

人集

六十一番

東周 秦 西漢 東漢 蜀漢 魏 吳 西晉

東晉 宋 齊 梁 陳 北魏 東魏 北齊

後周 隋 唐 梁 後唐 後晉 後漢 後周

僭國 宋 南宋 遼 金 元 大明

事言要玄卷之二

東周

朱子作綱
目始此

周威烈王二十五年初命晉大夫魏斯趙籍韓虔為諸侯

安王三年虢山崩壅河書山崩始此終綱目山崩三十六

十年日食晝晦日食至於晝晦非小變日食三百六十七晝晦

者三

烈王十九年秦徙都咸陽始廢井田朱子曰阡陌便是井田一

橫一直如遂上有塗便是陌洫上有路便是阡自阡陌之外有

地則又開在那裏今却破開了便作田

顯王三十三年宋大丘社亡應邵云亡淪入地非也謂社主亡

赧王六年秦初置丞相

丞相助也掌承
天子助理萬機

東周書館藏

東周書館藏

秦始皇

名政莊襄王子實不常之遺腹始稱皇帝

元年鑿涇

水為渠韓使鄭國間秦曰渠成亦秦萬世之利 十七年代地

震裂圻

東西百三十步書地

二十六年初拜天下更號皇帝

史記始皇議帝號丞相縮御史大夫劫廷尉斯等與博士

議曰古有天皇有地皇有泰皇泰皇最貴臣等昧死上尊號王

為泰皇命為制令為詔天子自稱曰朕王曰去泰著皇采上古

帝位號號曰皇帝 始皇既拜天下而帝或曰黃帝得土德

黃龍地螾見夏得木德青龍止於郊草木暢茂殷得金德銀自

山溢周得火德有赤鳥之符今秦變周水德之時昔秦文公出

獵獲黑龍此其水德之瑞於是秦更命河曰德水

水終數六故以六寸為符

六尺為步

分天下為三十六郡銷兵器徙豪傑於咸陽

守掌治其郡丞尉掌佐守典

武職甲卒監御史掌監郡

三十三年蒙恬收河南地築長

城 起臨洮至遼東

三十四年燒詩書百家語 三十五年阮

諸生

四百六十餘人

說苑始皇既兼天下大侈靡於是方士韓

客侯生齊客盧生相與謀亡去盧生不得侯生後至將數而車

裂之侯生曰陛下奢侈淫泆下暗上聾臣等故去丹朱傲虐好

慢淫遂以不升今陛下之淫萬丹朱而千昆吾桀紂臣恐陛下

之十亡也而曾不一存 新語秦以刑罰為巢故有覆巢破

郊之患以趙高李斯為杖故有傾仆缺覆之禍何哉所任非也

考靈曜秦失金鏡魚目入珠鄭玄曰金鏡喻明道也始皇

呂不韋子言亂真也

賀善贊曰始皇自併天下以來所書

二十一事書更號除謚改正封禪刻石志自伐也書銷兵器徙

豪傑壞城郭決隄防築長城黔首自實田志自私也三書築宮
再書治道志土木也書伐匈奴取南越地志窮蹟也五書遊
志遊觀也書焚詩書阮諸生志狂悖也書焚見隕石志殃罰也
再世而亡晚矣

二世

名胡亥始皇少子崩沙丘李斯趙高矯詔殺太子扶蘇而立之僅三年趙高弒之

風俗通二

世時趙高用事乃先獻蒲爲脯指鹿爲馬以驗羣臣崔琦對梁
冀曰將欲言黃改色馬鹿異形乎

楊子或問六國茲其已

久矣一病一瘳迄始皇三載而咸時激地保人事乎曰具請問
事曰孝公以下彊兵力農以蠶食六國事也保曰東溝大河南
阻高山西采雍梁北鹵涇渠便則申否則蟠保也激曰始望方
斧將相方乃六國方木將相方肉激也或問嬴政二十六載天

下擅秦秦十五載而楚楚五載而漢五十載之際而天下三擅
天耶人耶曰具周建子弟列名城班五爵流之十二當時雖欲
漢得乎六國蚩蚩爲羸弱姬卒之屏營羸擅其政故天下擅秦
秦失其猷罷侯置守守失其微天下孤睽項氏暴強改宰侯王
故天下擅楚擅楚之月有漢創業山南發迹三秦追項山東故
天下擅漢天也人曰兼才尚權右計左數動謹於時人也天不
人不因人不天不成 或問秦楚既爲天典命矣秦縊灞上
楚分江西興廢何速也曰天胙光德而隕明惑昔在有熊高陽
高辛唐虞三代咸有顯懿故天胙之爲神明主且著在天地是
生民之頌也厥饗國久長若秦楚彊鬪震撲胎籍三正播其虐
於黎苗子弟且欲喪之况於民乎况於鬼神乎廢未速也

秦之有司負秦之法度秦之法度負聖人之法度秦弘違天地之道而天地違秦亦弘矣 三年八月沛公入武關趙高弒帝

子嬰夷宮立子嬰為王

子嬰二世兄之子趙高立為秦王立僅四十六日降

漢 十月沛公至霸上秦王子嬰奉璽符節以降 沛公入咸

陽還軍霸上除秦苛法與父老約法三章殺人者死傷人及盜

抵臯 二年漢王至洛陽為義帝發喪 四年八月漢初算賦

民年十五以上至五十六出賦錢人百廿為一算治庫兵車馬

西漢紀

漢高祖 出自帝堯劉姓沛豐人父執嘉名邦字季都長安以火德王在位十二年 已亥漢五年二

月王即皇帝位 于汜水 六年秋令博士叔孫通起朝儀 七

年十月長樂宮成朝賀致酒 史記高帝七年長樂宮成

侯羣臣皆朝十月儀先平明謁者治禮引以次入殿門廷中

車騎步卒衛官設兵張旗志傳號趨殿下郎中俠陛數百人

功臣列侯諸將軍軍吏以次陳西方東鄉文官丞相以下陳東

方西鄉大行設九賓臚句傳於是皇帝輦出房百官執戟侍警

引諸侯王以下至吏六百石以次奉賀自諸侯王以下莫不振

恐肅敬至禮畢復置法酒諸侍坐殿上皆伏抑首以尊卑次起

上壽觴九行謁者言罷酒御史執法舉不如儀者輒引去竟朝

置酒無敢喧嘩失禮者 八年春令郎中有罪劾以上請之民

產子復勿事二歲 劾音而罪不至髡但髡其頰毛而已或從寸諸法度字用 十一年詔郡

國承遺賢 十二年十一月過魯以大牢祠孔子 賀善曰綱

目於高帝有四特筆其未即位也加秦書伐加項籍書討其用

夷兵也書致助其即位也書即皇帝位大綱正矣至于斬丁公祠孔子皆有大過人者

初高祖不脩文學而性明達好謀能聽自監門戍卒見之如舊

初順民心作三章之約天下既定命蕭何次律令韓信申軍法

張蒼定章程叔孫通制禮儀又與功臣剖符作誓丹書鐵契金

匱石室藏之宗廟雖日不暇給規摹弘遠矣 班固贊

曰漢帝本係出自唐帝降及於周在秦作劉涉魏而來遂為豐

公豐公蓋太上皇父其遷日淺墳墓在豐鮮焉及高祖即位置

祠祀官刻有秦晉梁荆之巫世祀天地綴之以祀豈不信哉出

是推之漢承堯運德祚已盛斷蛇著符旗幟上赤協於火德自

然之應得天統矣

惠帝 名盈高祖太子在位七年起丁未

二年正月兩龍見蘭陵井中 始 四

年正月舉民孝弟力田者復其身 除挾書律 七年春正月

朔日食 夏五月日食 既俱始 發明惠帝自二年兩龍見井

中地震夏旱越一年宜陽雨血冬雷震實至日食正旦盛夏之

月日食既上天告戒之意切矣 賀善曰惠帝所書纔二十九

事五書封立三卒大臣四書城長安書太后殺趙王書和親書

冠書赦各一如書齊王肥來朝書立原廟書舉民孝弟力田書

省法令妨民者書除挾書律五事天資仁厚可見矣而災變八

書則以太后擅權然也 班固贊曰孝惠內修親親外

禮宰相寵優齊悼趙隱可謂寬仁之主遭太后虧損至德悲夫

呂太后 高祖后名雉命張后取他人為太子立為少帝後殺之立常山王義為帝自臨朝稱制凡八年 丁巳

四年四月太后封女弟頹為臨光侯婦人封侯終綱目三百六十二年一人而已
班固贊曰孝惠高后之時海內得

離戰爭之苦君臣俱欲無為故惠帝恭已高后女主制政不出房闈而天下晏然刑罰鮮用罪人是希民務稼穡衣食滋殖

文帝名恒高祖第三子初封代先後元在位二十三年文帝迎立時猶與未定卜之龜

卦兆得大橫占曰大橫庚庚余為天王夏啓以光代王曰寡人

固已為王矣又何王卜人曰所謂天王者乃天子東方朔曰文帝身衣弋

紼足履革馬集上書囊以為為殿帳以道德為麗仁義為準癸亥二年十一月日食詔舉賢

良方正能直言極諫者 十三年五月除肉刑因淳于意少女

刑具令諸當髡者為城旦春當黥者髡鉗為城旦春當劓者劓三百當斬左趾者笞五百斬右趾及殺人及吏坐受賂枉法守

縣官財物而即盜之已論而復有笞罪者皆棄市為城旦春者各有歲數以免景帝初年又減笞法以笞五百者率多一應律笞

之百曰三百三百曰二百七年又減十五年春黃龍見成紀

初張蒼以漢得水德魯人公孫臣以為當土德其應黃龍見至是召臣為博上中明土德又刺六經申作王制邊詔

短喪令天下吏民令到出臨三日皆釋服毋禁取婦嫁女祠祀飲酒食肉者自當給喪事服臨者皆無號宮殿中當臨者

皆以旦夕各卜五舉聲已下服大紅十五日小功十四日緋七日釋服注凡三十六日以日易月帝即位宮室

苑園車騎服御無所損益有不便輒弛以利民嘗欲作露臺召

匠計之直百金上曰百金中人十家之產也身衣弋綈所幸慎

夫人衣不曳地帳幄無文繡以示敦朴為天下先治霸陵皆在

器不得以金銀銅錫為飾因其山不起墳吳王詐病不朝賜以

几杖羣臣袁盎等諫說雖切嘗假借納用焉南越尉佗自立為

帝召尉佗兄弟以德懷之與匈奴結和親背約入盜不發兵深

入張武等受賂金錢覺更加賞賜以愧其心專務以德化民是

以海內安寧家給人足後世鮮能及之 太史公曰孔

子言必世後仁善人之治國百年亦可以勝殘去殺誠哉是言漢興至孝文四十有餘載德至盛也廩廩鄉改正服封禪矣謙讓未成於今嗚呼豈不仁哉

景帝 名啓文帝太子 在位十六年 丙戌二年令男子二十始傳 傳音附者也著名籍

孟康曰古者二十而傳二年耕有一年儲故二十三年而後之如淳曰律年二十三傳之傳官各從其父疇內學之漢儀注氏

年二十二為正一歲為衛士一歲為材官騎士 三年四月早禁酤酒 酒禁始此 三年十

月日月皆赤十二月雷日如紫發明景帝自三年平七國後十

二年間書日食七地震四星孛蝗各二兩電冬雷大霖兩大水

春雨雪東關災秋大旱各一見所書日月赤等灾尤為可畏

賀善贊曰景帝之資素號刻薄殺晁錯廢薄后殺太子

獄周亞夫皆其病根之發見也而書恤刑之政三君子未嘗

深絕之 太史公曰漢興孝文施大德天下懷安至孝

景不復憂異姓而晁錯刻削諸侯遂使七國俱起合從而西鄉

以諸侯大盛而錯為之不以漸也及主父偃言之而諸侯以弱

卒以安安危之機豈不以謀哉

武帝 名徹景帝太子始建年號建元元光元朔元狩元 辛丑

建元元年冬十月舉賢良方正直言極諫之士 二年四月有

星如日夜出 四年有風如血 五年置五經博士 書置博

元光元年初令郡國舉孝廉各一人 從董仲舒之言 二年十月始親

祀竈遣方士求神仙 六年冬初算商車 元朔四年六月為

博士置弟子五十人 復其身第其高下以補郎中文學掌故漢舊儀太常博士弟子試射策中甲科補郎

中乙科
補掌故

元狩四年冬置鹽鐵官算緡錢舟車令諸賈人未作

各以其物自占率緡錢二千而一算及民有船車者皆有算師

古曰自占者自隱度其家財多少為文簿送之官李斐曰緡絲

也以貫錢也有儲積錢者計其緡貫而稅之正義曰稅民田宅

船乘皆平作錢數每千錢一算也一算百二十文 元封二年

秋作明堂於汶上濟南公王帶上明堂圖有殿無辟茅蓋通水

上有樓書譏也禮在國陽於汶上非地也 五年初置刺史冀

幽并兗青徐揚荆豫益涼州朔方交趾凡十三部 太初元年

十一月甲子朔日冬至 夏五月造太初曆以正月為歲首大

中大夫公孫卿壺遂太史令司馬遷等言宜改正朔兒寬議宜

用夏正色尚黃數用五定官名協音律光祿勳大鴻臚大司農

執金吾京兆尹左馮翊右扶風皆是歲所改也注五土數也用

五謂印文若丞相曰丞相之印章不足五字者以之足之 天

漢三年二月初榷酒酤榷酒始此 班固曰漢承百王

之弊高祖撥亂反正文景務在養民至于稽古禮文之事猶多

闕焉孝武初立卓然罷黜百家表章六經興大學脩郊祀改正

朔定歷數號令文章煥然可述如武帝之雄才大畧不改文景

之恭儉以濟斯民雖詩書所稱何有加焉

昭帝 名弗陵武帝太子改元始 庚子六年詔問賢良文學民

所疾苦 皆對願罷鹽鐵酒榷均 秋七月罷榷酤官 元鳳三

年泰山石立上林偃柳復起生 元平二年二月減口賦錢什

三漢儀注民年七歲至十四出口賦人二十三錢其二十以食

天子其三錢者武帝所加以補車騎

班固曰昭帝承

孝武奢侈餘敝師旅之後海內虛耗戶口減半先知時務之要

輕繇薄賦與民休息至始元元鳳之間匈奴和親百姓充實舉

賢良文學問民所疾苦議鹽鐵而罷推酤尊號曰昭不亦宜乎

宣帝名病已更名詢戾太子之孫興於民間改元本始地節元康神爵五鳳甘露黃龍共三十五年戊申本

始元年四月追謚戾太子戾夫人悼考悼后置園邑書法於是

詔議故皇太子謚有司請太子曰戾史良娣曰戾夫人漢初公

議猶凜凜也自帝始尊私親其初猶曰考曰后而已未幾而尊

曰皇考焉自是以後無弗皇者矣地節四年九月詔減天下

鹽賈令郡國歲上繫囚掠笞瘦死者以課殿罷瘦音庾漢律囚以饑寒而死曰瘦

甘露三年畫功臣於麒麟閣大司馬博陸侯姓霍氏張安

世韓增趙充國魏相丙吉杜延年劉德梁丘賀蕭望之蘇武

詔諸儒講五經異同於石渠閣上親稱制臨決立梁丘易夏

侯尚書穀梁春秋博士施讐論易周堪孔霸論書薛廣德論詩

戴聖論禮公羊則嚴彭祖穀梁則尹更始班固曰孝

宣之治信賞必罰綜覈名實政事文學法理之士咸精其能亦

足以知吏稱其職民安其業也信威吐夷單于慕義可謂中興

侔德殷宗周宣矣武帝時儒雅則公孫弘董仲舒兒寬篤

行則石建石慶賢直則汲黯卜式推賢則韓安國鄭當時定令

則趙禹張湯文章則司馬遷相如滑稽則東方朔枚臯應對則

嚴助朱買臣歷數則唐都洛下閎協律則李延年運籌則桑弘

羊奉使則張騫蘇武將率則衛青霍去病受遺則霍光金日磾

孝宣時蕭望之梁丘賀夏侯勝常玄成嚴彭祖尹更始以儒術
進劉向王褒以文章顯將相則張安世趙克國魏相丙吉于定
國杜延年治民則王霸王成龔遂鄭弘召信臣韓延壽尹翁歸
趙廣漢 近觀漢相高祖開基蕭曹爲冠孝宣中興丙魏有聲
是時黜陟有序衆職脩理公卿多稱其位海內興於禮讓

賀善贊曰宣帝號尚嚴而寬恤之政四詔有大父母父母
喪勿繇詔子匿父母妻匿夫子孫匿大父母皆勿治令郡國歲
上繫囚掠笞瘦死者以課殿最詔年八十以上非誣人勿坐惜
夫信鳳皇或碧鷄而趙蓋韓楊之死不免書殺

元帝 名奭宣帝太子改元初元 癸酉初元元年九月罷宮館

永光建昭竟寧共十六年 希幸者減穀食馬肉食獸發明繼統之初以公田振業貧民賦

貸種食未幾又振困乏罷宮館減獸馬文景初政未有是也

永光元年詔舉質樸敦厚遜讓有行者仍詔光祿歲以此科第郎從官

班彪曰元帝寬弘恭儉少而好儒及即位徵用儒生委之以

政貢薛韋匡迭爲宰相而上牽制文義優游不斷孝宣之業衰

焉

成帝 名鰲元帝太子改建始河平陽朔 已丑建始元年正月

封舅王崇爲安成侯賜譚商立根逢時爵關內侯夏四月黃霧

四塞諫大夫楊興等皆以太后諸弟無功而侯及莽之將亡也

亦黃霧四塞焉 春秋通斗樞黃雲四合女訛驚邪惑精符婁黨

爲黃 秋八月有兩月相承晨見東方 四年正月罷中書宦

官初置尚書員五人 河平三年八月求遺書 班彪

曰成帝善脩容儀臨朝淵默尊嚴若神有穆穆天子之容然湛
乎酒色趙氏亂內外家擅權言之可為於邑

哀帝名欣定陶恭王之子元帝之孫改元建元元壽九六年六年詔劉秀典領五經王

莽薦劉歆為侍中更名秀卒父前業於是總羣書而奏其七畧
其教諸子分為九流 班固贊曰孝哀自為藩王文辭

敏博嗜孝成世祿去 王室及即位屢誅大臣欲強主威以則

武宣雅性不好聲色時覽卞射武戲即位痿痺來年寢劇饗國
不永哀哉 自孝武興學公孫弘以儒相其後蔡義韋賢玄

成匡衡張禹翟方進孔光平當馬宮及當子晏咸以儒宗居宰
相位服儒衣冠傳先王語其醜藉可也然皆持祿保位被阿諛
之譏彼以古人之迹見繩烏能勝其任乎

平帝名箕子更名衍中山孝王子元帝孫九歲即位太后王氏臨朝王莽秉政毒殺之改元元始共五年元始

元年五月封公子寬為褒魯侯孔均為褒成侯以奉周公孔子
之祠寬魯頃公之後也奉周孔始此 四年二月起明堂辟雍

靈臺立樂經徵天下通經異能之士 更定官名及十二州界
分京師置前輝光後承烈二郡更公卿大夫元士官名

班固贊曰孝平之世政山莽出褒善顯以自尊盛視其文辭
乃外百蠻無思不服至于變異見於上民怨生於下莽亦不能

文也 五年十二月安漢公莽弑帝

帝孺子嬰名嬰宣帝玄孫王莽立為皇太子時二歲號曰孺子起高祖乙未終孺子戊辰十二年共一百一十四年

王莽王太后之姪封新都侯初稱攝皇帝次稱假皇帝篡位國號新以十二月朔為始建國元年改天鳳地皇共十四年

漢兵立劉玄號更始元二年
光武封爲淮陽王共十六年

莽更造貨 錯刀一直五千契刀一直五百大錢一直五十與五

五千契刀者其環如大錢 禁剛卯金刀 以黃金錯其文一刀直

徑寸二分一乃直五百 布之品名曰寶貨凡五物六石二十八品又鑄 禁不得買賣

威斗以五石銅爲之若北斗以厭勝衆兵 田及奴婢 莽曰秦廢井田強者規田以千數又置奴婢之市與

出實什稅五今更名天下田曰 王田奴婢曰私屬皆不得買賣

東漢記

光武 名秀字文叔長沙定陶王後高祖九世孫誅王莽 乙酉

建武元年六月蕭王卽皇帝位綱目書卽皇帝位四漢高祖世

祖昭烈晉元帝正統也 秋七月以鄧禹爲大司徒王梁爲大

司空吳漢爲大司馬仗湛爲尚書令 後二十七年詔三公去大

歸上卽位先訪求茂詔曰 五年十月初起太學帝還視之帝

名冠天下當受天下重賞 幸大學稽式古典脩明禮樂書起學視學始此 六年五月并

省郡國減損吏員執金吾朱浮疏聞者守宰數見換易迎新相

代疲勞道路尋其視事日淺未足昭見其職既加嚴切人不自

保迫於舉劾懼於譏刺故爭飾詐僞以希虛譽 七年三月晦

日食詔百僚各上封事不得言聖 十二年正月詔諸王皆降

爲公侯朱祐奏古者人臣受封不加王爵 十五年四月詔州

郡檢覈墾田戶口帝見陳留吏牘上有云潁川弘農可問河南

南陽不可問時東海公陽年十二在幄後言曰吏受郡勅當欲

以墾田相方耳帝曰何故言河南南陽不可問對曰河南帝城

以墾田相方耳帝曰何故言河南南陽不可問對曰河南帝城

以墾田相方耳帝曰何故言河南南陽不可問對曰河南帝城

多近臣南陽帝鄉多近親田宅踰制不可爲準 帝崩年六
二每旦視朝日晏乃罷數引公卿郎將講論經理夜分乃寤曰
我自樂此不爲疲也天下既定退功臣而進文吏明慎政體總
攬權綱量時度力舉無過事故能恢復前烈身致太平

范曄論曰皇考南頓君初爲濟陽令以建平元年十二月甲子
夜生光武於縣舍有赤光照室中欽異焉使卜者王長占之長
辟左右曰此兆吉不可言是歲縣界有嘉禾生一莖九穗因名
光武曰秀望氣者蘇伯阿爲王莽使至南陽遙望見春陵郭喟
曰氣佳哉鬱鬱葱葱然及始起兵還春陵遠望舍南火光赫然
屬天有頃不見初道士西門君惠李守等亦云劉秀當爲天子
其王者受命信有符乎不然何以乘時龍而御天哉

賀善贊曰世祖卽位之先綱目有特書三起身則書漢宗室興
復帝室至河北則特書除莽苛政其卽位也特書卽皇帝位卽
位之後書三大政元年首以卓茂爲太傅而當時多循吏起太
學親臨視之而東都盛儒學徵三處士周黨嚴光王良而末造
多節義之士然其失亦有二焉以私愛廢郭后太子疆信圖讖
竟事封禪爲盛德之累

明帝

初名陽更名莊光武次子改元永平共十六年

已未永平二年正月始服冠冕

玉佩登靈臺望雲物二月臨雍行大射禮十月行養老禮以李
躬爲三老桓榮爲五更三老服都紵大袍冠進賢扶玉杖天子
迎於門屏交禮導自阼階天子揖如禮三老升東面三公設几
九卿正履天子親袒割牲執醬而饋執爵而酌祝饗在前祝嘏

在後五更南面三公進供禮亦如之 書法自光武末年書起
明堂辟雍靈臺然徒宣布圖讖而已至是始盛三雍之儀復先
代之典 三年圖畫中興功臣於雲臺以鄧禹爲首次馬成吳
漢王梁賈復陳俊耿弇杜茂寇恂傅俊岑彭堅譚馮異王霸朱
祐任光祭遵李忠景丹萬修蓋延邳彤鮑期劉植耿純臧宮馬
武劉隆又益以王常李通竇融卓茂合三十二人 六年二月
王頡山出寶鼎詔禁章奏浮詞 先帝詔書禁人上事言聖自
今若有過稱虛譽尚書皆宜抑而不省示不爲諂子嗤也
九年四月詔司隸刺史歲考長吏殿最以聞歲上墨綬長吏視
事吏視事三歲以上治狀尤異者一人與計偕上及尤不治者
亦以聞注秩四百石至二百石是爲長吏皆銅印墨綬 十五

年二月帝東巡耕于下邳三月至魯詣孔子宅

綱目書詣宅一而已親御講堂

命皇子諸王說經

帝遵奉建武制度無所變更后妃之家不得封侯與政公直以
反支日不受章奏恠曰民廢農桑遠來詣闕而復拘以禁忌豈
爲政之意乎是以吏得其職民樂其業遠近畏服戶口滋殖

賀善贊曰永平富教之事綱目屢書于罔有終綱目所
無者二事匈奴遣子入學日食詔羣司極言得失復以示百官
范曄論曰明帝善刑理法令分明日晏坐朝幽枉必達內外無
倖曲之私在上無矜大之色斷獄得情號居前代十二故後之
言事者莫不先建武永平之政而鍾離意宋均之徒常以察慧
爲言夫豈弘人之度未優乎

章帝 名坦明帝太子改元建初元年和章和共十三年 丙子建初元年七月詔以上林

池鑿賦與貧民 四年十一月詔諸儒會白虎觀議五經同異

楊恭言章句之徒破壞大體侍中淳于恭奏帝親稱制臨决

作白虎奏議丁鴻樓望成封桓郁班固賈逵及廣平王羨皆與

元和三年正月詔嬰兒無親屬及有子不能養者廩給之

發明肅宗初元以來如以國節與民禁治獄慘酷除妖惡禁銅

廩膳貧民賜胎養穀之類無非善政可紀者 詔侍中曹褒定

漢禮 范曄曰魏文帝稱明帝察察章帝長者章帝素

知人厭苛切事從寬厚盡心孝道平徭簡賦而民賴其慶又體

之以忠恕文之以禮樂故乃蕃輔克諧羣后德讓謂之長者不

亦宜乎

和帝 名肇章帝太子十歲即位母竇太后臨朝憲竇等 四年

以宦者鄭衆為大長秋後封鄭衆為鄴鄉侯書法元帝書宦者

為中書令而已書封侯始此漢末之禍始此矣 十三年正月

帝幸東觀 召見諸儒魯丕賈逵黃香等相難 十五年詔大

官勿受遠國珍羞 賀善贊曰和帝在位綱目書竇憲

外非封拜則天變邊事而已然其間如書陳寵為廷尉書旱蝗

除租稅書遣使巡行廩貸書詔大官勿受珍羞亦慈儉之君也

乃能蚤發英斷收攬權綱而又尊儒納諫動無大過惜乎閣宦

用事遂為東漢基禍之主

殤帝 和帝失皇子十數後生者輒隱秘養於民間及帝崩長子

朝政元延平僅八月 丙午延平元年五月減用度遣宮人太后詔減太

官導官尚方內署諸服御珍膳靡麗難成之物

安帝 名祐清河王子章帝孫鄧太后立之年十三太后臨朝後親政改元永初元初永寧建光延光共十九年 元

初元年二月日南地坼長百餘里六月河東地陷書法地坼長

百餘里大變也地至於陷終綱目一而已 三年冬初聽大臣

行三年喪舊制公卿二千石刺史不得行三年喪司徒劉愷請

之後建元尚書令祓諷等又奏孝文定約禮之制先武絕寧告

之科復斷大臣行三年喪 延光元年汝南黃憲卒 書法布

衣未有書卒者終綱目二人而已 憲及管寧 賀善曰安帝

即位至發喪所書一百七十七事為羗夷盜賊書者五十六為

災變書者七十徒聞狎佞臣厚保母疾忠賢望其珥災靖亂尚

可得乎

順帝 名保先為太子閻后廢之安帝崩后以北鄉侯懿幼立之懿卒宦官孫程迎立外戚梁冀操權改元永建陽嘉永和

共十九年 陽嘉二年四月京師地坼詔引敦樸士對策洛陽

宣德亭地坼八十五丈李固馬融張衡俱對策而固第一 四

年二月初聽中官得以養子襲爵發明開府階誠宜蔭子謁者

監何由有兒此唐人李中敏書判之語而其源已始於漢

賀善曰順帝之篇首書改葬楊震繼書朝太后又書赦虞

詡左雄書卻貢獻書起太學書誅張逵權周舉帝亦後來之賢

主歎

冲帝 名炳順帝太子二歲即位梁太后臨朝梁冀秉政僅三月而崩改元永嘉

質帝 名續章帝曾孫初與清河王蒜並徵續方八歲梁冀白太后立之復惡其聰慧進毒弒帝改元本初一年

桓帝 名志章帝曾孫封蠡吾侯梁冀立之梁太后仍臨朝太后崩乃與宦官單超等五人誅冀宦官復逞改元建和和平

元嘉永興永壽延熹
永康共二十一年

丙午延熹九年六月殺南陽太守成瑨

太原太守劉瓚捕司隸校尉李膺大僕杜密部黨二百餘人下獄

賀善曰桓帝自延熹以前所書多為梁冀二年以後所書多為宦閹其餘自災變邊事外非報私恩則事遊政急征歛凡三立后兩不食死雖三舉賢一徵處士往往皆文具耳

靈帝名宏章帝玄孫竇太后立之猶臨朝改建寧熹平光和中平共二十二年

巴酉建寧二年十月復治鈞黨殺前司隸校尉李膺等百餘人桓帝受學於其陵

周福權為尚書同郡房植有名當朝鄉人為之謠曰天下規矩

房伯武因師獲印周仲進由是有南北部黨人之議太學諸生

三萬餘人郭泰賈彪為其冠與李膺陳蕃王暢更相褒重學中

語曰天下模楷李元禮不畏強禦陳仲舉天下俊秀王叔茂至

是膺等雖廢錮天下士大夫更相標榜以陳蕃竇武劉淑為三

君李膺等為八俊郭泰等為八顧張儉等為八及度尚等為八

厨陳竇誅宦官復申黨人之禁 熹平四年三月立石經于太

學門外詔諸儒正五經文字命議郎蔡邕為古文篆隸三體書

之刻石立于太學門外 光和六年初開西邸賣官二千石二

石四百萬其以德二年封中常侍呂強為都鄉侯不受書法

宦官能讓者呂強而已終綱目宦官可取者三人呂強以賢場

復光以功張承葉以忠 賀善曰靈帝信宦聖殺忠賢

當時變異有終綱目所無者四蛇見御座黑氣青虹隨殿廷雌

雞化雄而又五書大疫方且作鼻圭作列肆起四百尺觀造萬

金堂鑄金人靈又甚於桓也

獻帝名協靈帝次子初何進立長子辨太后臨朝董卓廢之立協幼帝遷長安曹操迎帝都許至丕篡位改元初平興平建安共三十一年東漢十
二上共一百九十六年
初平四年六月華山崩裂書法桓

帝書岱山裂未若崩且裂之甚也故書華山崩而漢亡書恒山
崩而晉亡終綱日嶽崩者二
辛卯建安十六年曹操以其子

丕為中郎將為丞相副書法丞相前此未有也自是司馬 昭
以其子爽副相國高歡遣其世子澄入鄴輔政 十七年十二

月有星孛于五諸侯 正義曰內五諸侯星列在帝廷並欲光
明潤澤若枯慘各於其處受災 庚子二十五年十月魏王曹

丕稱皇帝
後漢紀

照烈姓劉名備字玄德景帝子中山靖王之後魏黃辛丑章
初二年即皇帝位都成敗元章武在位三年

武元年四月漢中山王即皇帝位 二年九月魏立法自今后

家不得輔政詔曰婦人與政亂之本也自今以後羣臣不得奏
事太后后族之家不得輔政及橫受茅土 書法綱目惡魏然

法有可傳官者不得過諸署令則書后家不得輔政則書自諸
侯入奉大統不得顧私情則書 四月帝崩於永安丞相亮受

遺詔輔政 勅後主曰勿以惡小而為之勿以善小而不為惟
賢惟德可以服人 陳壽評曰先主之弘毅寬厚知人

待士蓋有高祖之風英雄之器焉及其舉國託孤於諸葛亮而
心神無貳誠君臣之至公古今之盛軌也

帝禪守公嗣昭烈太子諸葛亮為政亮薨惑于宦寺黃皓魏鄧
文征之遂降改元建興延熹景曜炎興凡四十二年二主
共四十年
四年五月魏主丕卒 五年三月丞相亮帥諸軍出

史漢中以圖中原 七年三月吳王孫權稱皇帝 十月魏立

聽訟觀置律博士 初魏文侯師李悝著法經六篇蕭何定漢

律益為九篇又有決事比九百六卷馬鄭諸儒章句又十餘家

至是詔但用鄭氏章句又詔尚書陳羣等刪約漢法制新律十

八篇郡州令四十五篇 十五年春正月魏黃龍見以三月為

夏四月 高堂隆以魏得土德故黃龍見遂以建丑之月為正

色尚黃牲用白 書法三代改正不改月數漢初承秦建亥書

冬十月則秦漢雖改正而其冬自若也今未論以三為四而以

春為夏故譏之 陳壽評曰後主任賢相則為循理之

君惑闇豎則為昏闇之后傳曰素絲無常唯所染之信矣

諸葛亮之為相國也撫百姓示儀軌約官職從權制開誠心布

公道盡忠益時者雖讎必賞犯法怠慢者雖親必罰服罪輸情

者雖重必釋游辭巧飾者雖輕必戮善無微而不賞惡無纖而

不貶庶事精練物理其本循名責實虛偽不齒終於邦域之內

咸畏而愛之刑政雖峻而無怨者以其用心平而勸戒明也

魏文帝 姓曹名丕沛國人曹參之後魏王操之子建安二十五年廢獻帝而稱帝都洛陽以土德王封父操武皇帝改

元黃初 共七年 陳壽評曰漢末天下大亂雄豪竝起而袁紹

虎眚四州疆盛莫敵太祖運籌演謀鞭撻宇內擊中商之法術

該韓白之奇策官方授材各因其器可謂非常之人超世之傑

矣 文帝天資文藻下筆成章博聞彊識才藝兼該若加之

曠大之度勵以公平之誠邁志存道克廣德心則古之賢主何

遠之有哉

遠之有哉

明帝 名獻文帝子沉毅明敏優禮大臣聽受

齊王 名芳明帝立為太子八歲即位司馬懿專政

高貴鄉公 名髦明帝弟之子十四歲即位司馬懿專政

元帝 名奐武帝孫燕王字之子司馬昭立之子炎篡位改元

吳大帝 姓孫名權字仲謀孫堅次子兄策為吳侯以事授之魏

鳳共三 陳壽評曰孫堅勇擊剛毅孤微發迹導溫戮

卓山陵杜塞有忠壯之烈復英氣傑濟猛銳冠世覽奇取異志

陵中夏然皆輕佻果躁隕身致敗 孫權屈身忍辱任才尚

計有句踐之奇英人之傑矣故能自擅江表成鼎峙之業然性

多嫌忌果於殺戮暨臻末年彌以滋甚至于讒說殄行亂嗣廢

斃豈所謂貽厥孫謀以燕翼子者哉

晉武帝 名亮大帝太子後孫琳廢之

景帝 名休大帝子會稽王之弟

歸命侯 名皓大帝之孫降晉國亡改元元興甘露寶鼎建衡鳳

年九 西晉紀

西晉紀

西晉武帝 姓司馬名炎字安世祖懿父昭稱皇帝都洛陽

西魏咸熙二年晉王炎稱皇帝廢魏主為陳留王 二年八月

謁崇陽陵 文帝昭之喪臣民皆從權制三日除服既葬晉主

亦除之哀毀如居喪至是謁陵詔以衰經從行羣臣自依舊制

羣臣請易服復膳詔曰每念不得終苴經之禮何至一旦易此

情於所天試省孔子答率我之言遂以疏素終三年 十年晉

以山濤為吏部尚書

書法善其職也書吏部尚書始此

寧五年晉詔議省員吏

傳咸議省州郡縣半吏以杜農工苟

勗以為省吏不如省官省官不如省事省事不如清心

唐太宗制曰武皇承基誕膺天命握圖御宇敷化導民以佚

代勞以治易亂絕縑綸之貢去雕琢之飾制奢俗以變儉約止

澆風而反淳朴雅好直言留心采擢劉毅裴楷以質直見容穆

紹許竒雖仇讎不棄有帝王之量焉

賀善曰武帝即

位以來書除宗室禁錮書以傳玄等為諫官書用故漢名臣子

孫書禁竒技異服往往可觀然暗於知子納妃賈氏啓五王之

亂蔽於信讒疏斥齊王失燕翼之謀昧於防患尊寵劉淵基亂

華之禍蓋以位為樂無深長思身歿而天下大亂宜矣

漢帝

名衷武帝太子賈后亂政諸王構難自相攻屠中書而崩改元永熙元康永康永寧大安永興元熙共十七年

永康元年三月尉氏兩血妖星見南方太白晝見中台星拆

晉天文志妖星一彗星二孛星三天棓四地槍五天撓六蚩尤

七天衝八國星九昭明十司危十一天撓十二五殘十三六

賦十四獄漢十五旬始十六天鋒十七燭星十八蓬星十九長

庚二十四填二十一地維

賀善曰綱目於惠帝之末

初無貶詞然今年書弒太后明年書殺太子又明年書遷帝於

金墉書殺皇后太子至于又奉帝討張方也越奉帝征穎也張

方遷帝長安也祈弘奉帝東遷也莫適為主特一木偶人而已

懷帝

名熾惠帝弟武帝二十五子存者穎晏熾三人而已漢王劉聰攻陷洛陽執帝尋弒之改元永嘉共六年

二

年十月漢王淵稱皇帝

匈奴種

愍帝 名業吳王宴之子武帝之孫懷帝遇害即位長安劉曜復 二年正月有如日隕于地又有三日相承東行 書法至

大興三年又書日夜出高三丈各一書

東晉元帝 名睿字景文宣帝曾孫愍帝遇害即位建康改元建武大興永昌共六年 戊寅大興元

年三月王即皇帝位 十一月詔州郡秀孝復試經策

賀善曰瑯琊自督揚州一書遣紀瞻討石勒而已長安既陷

然後出師露次移檄北征無志遠畧不能盡祖逖之才遂使河

南終淪左衽惜哉

明帝 名紹元帝之子改元太寧元二年 帝明敏有機斷故能以弱制強誅剪

逆臣克復大業

成帝 名衍明帝子五歲庾太后臨朝改元咸和咸寧共十七年 五年趙王勣稱皇帝 武鄉人

帝幼冲嗣位既長頗有勤儉之德二子丕奕皆在襁褓庾冰恐

為人所間請立瑯琊王岳

康帝 名岳成帝母弟改號建元建元在位一年 帝疾篤庾冰庾翼欲立會稽王昱

為嗣何克建議立皇子暕

穆帝 名聃康帝太子三歲即位褚太后臨朝改元永和升平共十七年 八年秦王健稱皇帝

燕王儁稱皇帝 鮮卑人起東晉慕容廆子號孫儁改元元璽

帝崩無嗣皇太后令瑯琊王丕中興正統義望情地莫與為比

其以王奉大統

哀帝 名丕成帝長子改元隆和興寧共四年 帝崩無嗣皇太后詔以奕承大統

帝奕 哀帝母弟桓温有異圖廢為海西公改元太和元六年 六年十一月大司馬温入

朝廢帝迎會稽王昱入即位

簡文帝

名昱元帝少子改元咸安凡二年

帝美風儀善容止留心典籍凝塵

滿席湛如也雖神識恬暢然無濟世大畧謝安以為惠帝之流

但清談差勝耳

孝武帝

名昌明簡文太子改元寧康太元共二十一年

太元六年正月立佛精舍於

內殿 書法佛自明帝書入中國書立舍譏尚夷教也於內殿

益非所矣故孝武之立精舍以於內殿書肅宗之置道場以於

三殿書武宗之立望仙臺以於禁中書 丙戌十一年燕王垂

稱皇帝

號第五子奔符秦為將敗堅稱帝改元建興是為後燕

二十一年貴人張氏弒

帝於清暑殿

帝溺於酒色委政郗瑯王道子所親昵者姘姆

僧尼近習弄權尚書令陸納嘆曰好家居織兒欲撞壞之耶

安帝

名德宗武帝太子幼而不慧不知寒暑餓飽桓玄篡位劉裕誅玄裕復弒之改元隆安元興義熙共二十二年

義熙十四年宋公劉裕弒帝於東堂奉瑯琊王文德即位

恭帝

名德文安帝弟劉裕篡位廢之改元元熙凡二年自元帝至恭帝十一主共一百五年合東西兩晉通共一百五十五年自元帝丁丑至洪武共一千五十二年

南北朝宋紀

南朝宋武帝

姓劉名裕字德興彭城人改元永初凡三年

帝疾甚乎詔曰後世若

有幼子朝事一委宰相母后不煩臨朝為人清簡寡慾嚴整有

法度被服居處儉於布素遊宴甚稀嬪御至少嶺南嘗獻入筒

細布一端八丈惡其精麗還之禁作此布 書法宋祖代晉綱

目屢書其功擊孫恩四擊盧循七討玄再書毀淫祠賑流民皆

予之也至七書自官再書僭殊禮再書弒一書廢名義蓋凜凜

矣滅國之君書弒自宋始

沈約論曰高祖地非桓文

衆無一旅魯不決旬夷凶剪暴至於鍾石變聲柴天改物民已去晉異於延康之初功實靖亂又殊咸熙之末恭皇高遜殆均釋負魏晉采其名高祖收其實矣盛哉

少帝 各義符武帝太子檀道濟等廢而弒之改元景平一年 癸亥景平元年魏立天師

道場 魏光祿大夫崔浩不信佛法信嵩山道士寇謙之脩張

道陵之術自言嘗遇老子又言遇神人李譜文老子玄孫 書

法道教之盛自此始書天師始此

文帝 各義隆武帝第三子子所弒改元元嘉共三十年 六年十一月朔日食星晝見

秦地震星晝見至晡河北地間秦地震野草皆自反 二十二

年春正月朔宋行元嘉曆 書法日食書朔記曆未有書朔始

正朔也於前何承天以前曆合朔月食不在朔望更撰新曆皆

取麻縮定其小餘以正之詔以是朔行焉 三十年二月宋太

子劭弒其君義隆而自立 四月宋江州刺史武陵王駿舉兵

討劭宋人立駿

孝武帝 各駿文帝第二子改元孝建大明共十一年 宋主好狎侮羣臣自太宰義

恭以下不免穢辱呼金紫光祿大夫王玄謨為老儻僕射劉秀

之為老慳顏師伯為齷末年尤貪財利刺史二千石罷還必限

使奉獻又以蒲戲取之罄盡乃止殂於玉燭殿

廢帝 各子業孝武帝子臣下弒之改元景和一年 元年十一月宋弒其君子業而立

湘東王彧

明帝 各或文帝子改元泰始泰豫共八年 庚戌泰始六年宋立總明觀置祭酒

一人儒玄文史學士各十人

蒼梧王

名昱明帝無子以宮人賜嬖人李道兒生昱蕭道成弒之改元元微五年

五年七月宋中

領軍蕭道成弒其王昱而立安成王準

順帝

名準明帝第三子蕭道成廢立尋弒之改昇明三年宋八主共五十九年

齊紀

齊高帝

姓蕭名道成字紹伯莫宋改元建元九四年

庚申建元二年制病囚診治

之法丹陽尹王僧虔言囚病必先刺郡求職司與醫對診家人

省視然後處治注刺猶移文高帝深沉有大量博學能文性

清儉尚衣中有玉導上曰留此正長病源即命擊碎每日使我

治天下十年當使黃金與土同價

史臣蕭子顯曰宋

氏正位八君卜年五紀四絕長嫡三稱中興內難邊虞兵革世

勳太祖基命之初武功潛用恭始開運太極時艱龍德在田見

猶雲雨之迹及蒼梧暴虐釁結朝野豈其天厭水行固已人稀

木德歸功與能事極乎此雖至公於四海而運實時來無心於

黃屋而道隨物變應而不為此皇齊所以集大命也

武帝

名順高帝太子改元永明十一年

永明三年正月魏禁識緯巫卜徐廣

曰識纖也言其義纖微也纖有七緯易緯書緯詩緯禮緯樂緯

孝經緯春秋緯蓋漢末夏賀良之徒為之張衡以為識書出於

哀平之世書法自晉武書禁星氣纖緯至符秦書禁老莊

圖識於是復書魏禁識緯巫卜皆綱目所予也

鬱林王

名昭業武帝太子長懋之子太子早卒即位一年蕭鸞弒之改元隆昌

海陵王

名昭文武帝之孫蕭鸞立之復弒之改延興僅三月

明帝

名鸞高帝第三子弒二主而自立改元建武永泰共五年

東昏侯 名寶卷明帝子蕭衍圍建康寶融廢之自立改元永元二年

和帝 名寶融明帝第八子蕭衍廢為巴陵王改元中興一年南齊九七主共二十四年

梁紀

梁武帝 姓蕭名衍字叔達慕齊為侯景所迫殂于臺城改元天監普通大同大清共三十五年

天監四年置五經博士立州郡學 嘉尊經也東晉齊宋雖置國學而無尊經之實

一年梁五禮成行之初齊步兵校尉伏曼容表脩五禮丹陽尹

王儉總之何胤徐孝何佟之繼掌之至是以右軍記室明山賓

等分掌五禮修之總其事佟卒鎮北伏暉代之暉容之子

大通元年梁主捨身於同泰寺 書法終綱目書捨身四武帝

書三陳主一 賀善曰武帝之初首書立贖刑條赦吉

弼死蓋天資近厚故也其徵士求言尊經與學禮樂制度相望

水而獨其過於慈柔溺於異教輕納叛人遂不克終悲哉

史臣姚思廉曰齊季告終君臨昏虐高祖英武睿哲義起

樊鄧仗旗建號濡足救焚總蒼兕之師翼龍豹之陣萬邦樂推

三靈改卜於是御鳳曆握龍圖闢四門弘招賢之路納十亂引

諒直之規興文學脩郊祀治五禮定六律加以天祥地瑞無絕

歲時征賦所及之鄉文軌傍通之地自晉魏以降未或有焉及

乎耄年委事群倖然朱异之徒作威作福挾朋樹黨政以賄成

遂使滔天羯寇承閒掩襲驚羽流王屋金契辱乘輿塗炭黎元

忝離宮室嗚呼天道何其酷焉

簡文帝 名綱武帝太子侯景立而復廢之景墓位湘東王繹等戮景改元大寶三年 庚午大寶元

年梁高州刺史李遷仕反高涼太守馮寶妻沈氏討敗之 書

法書沈氏何壯婦節也婦人討賊前於漢獻時書孫翊妻徐氏
矣於是再見終綱目婦人書討二 史臣曰太宗幼年

聰睿令問夙標天才縱逸冠於今古文則時以輕華為累君子
所不取焉

孝元帝 名繹武帝子即位江陵降於西魏改元承聖凡三年

敬帝 名方智元帝太子即位建康未幾陳霸先篡之改元紹泰太平凡二年梁四主共五十五年自武帝壬午至洪武帝

申合八百六十有八年

陳紀

陳武帝 姓陳名霸先字康國墓梁改元永定凡三年

永定二年捨身於大莊嚴寺

陳主臨戎制勝英謀獨運而為政務崇寬簡性儉素燕私用
瓦器蚌盤殺核克事而已 陳吏部尚書姚察曰高祖

英皇大度應變無方蓋漢高魏武之亞矣及西都盪覆誠貫天
人王僧辯闕伊尹之才空結桐宮之憤貞陽假秦兵之送不思
穆羸之泣高祖乃蹈玄機而撫末運乘勢隙而拯橫流王迹所
基始自於此何至勘黎升陟之捷而已為故於慎微時序之世
變聲改物之辰兆庶歸以謳謠炎靈去如釋負方之前代何其
美乎

文帝 名蒨武帝兄之子改元天嘉大康共七年 陳主性明察儉約每夜刺閨取外

事分判者前後相續勅傳更籤於殿中者必投籤於階石之上

余鎗然有聲曰吾雖眠亦令驚覺

臨海王 名伯宗文帝之子安成王顛廢之而自立改元光大二年

宣帝 名琚文帝之子改元大建十四年

後主 名叔寶宣帝子奢華酒色起臨春結綺望仙閣以宮人表

大捨等為女學士宰輔江總尚書孔範等為狎客其曲有

玉樹後庭花臨春樂等為隋所滅改元

至德禎明凡六年陳五主共三十三年

後梁宣帝 蕭譽昭明太子統之子西魏

立之都江陵號大定七年

子明帝 名歸事周號天

保共二十四年

子後主 名琮號廣運二

年隋文廢其國

北元魏道武帝 拓拔氏名珪其先拓拔猗盧助晉攻劉聰封代

弒號登國皇始大興

天賜共三十三年

居君長淳化育民與時無兢神元生自天女桓穆勤於晉室靈

心人事夫豈徒然昭成以雄傑之姿包君子之量征伐四克威

被荒遐乃立號改都恢隆大業終於百六十載光宅區中其原

固有由矣

史臣魏收曰有魏掩迹幽方世

明元帝 名嗣道武帝子誅紹自立任長孫嵩等八人為

政開拓境上號永興神瑞泰常共十五年

太武帝 名嘉明元太子勇健聰明自淮以北悉有之

愛懼誅弒帝號始光神龜延和太平真君共二十

文成帝 名濬太武孫釁酌時宜懷集中外

號興安與光太安和平共十四年

獻文帝 名弘文成太子喜佛老禪位太子太后

馮氏進毒弒之號天安皇興共五年

文帝 名宏獻文太子性至孝於是行三年喪以地人謂土為拓

后為跋魏出黃帝以上德王故為拓拔夫土黃中之色萬

物之无也改姓元氏又詔羣臣行三年喪禁胡服胡語祀孔

子求遺書正郊祀宗廟之制號延興承明太和共二十九年

宣武帝 名恪孝文太子十四歲即位倖臣外戚用事

魏政始衰號景明正始永平延昌共十六年

孝明帝 名詡宣武太子六歲即位胡太后淫穢倭倖盈

朝爾朱榮殺后號熙平神龜王光孝昌共十三

孝莊帝 名子攸獻文之孫手誅爾朱榮

榮黨廢而弒之號永安三年

東海王 名暉爾朱兆所立僅

廢立誅兆弒

安定王 名朗高歡立而廢之再立平陽

王脩脩懼奔長安歡立清河王

節閔帝 名恭爾朱兆等

所立高歡以兆

帝號普泰

年

卷二

江

子善見於洛陽分爲東西魏號中興一
年元魏凡十二主合一百四十六年

西魏武帝 名脩即高歡所立者奔長安以宇文
泰爲丞相卒爲所弒號永熙三年

名寶炬封南陽王宇文泰立
之政歸於泰號大統十七年

廢帝 名欽文帝太子即
位明年欲誅泰泰
廢之不改
元九二年
泰帝 廢帝弟泰所立泰死子覺自稱周
公篡位西魏四主合二十五年

東魏靜帝 名善見清河王世子高歡所立時年十一遷都於鄴
歡死子澄襲爵幽帝於含章臺澄殺其弟洋封齊王

遂廢之而篡位東
魏一主凡十六年

北齊宣帝 姓高名洋既篡位滅元氏之
族狂淫殘暴號天保凡十年
李百藥北齊

書曰高祖平定四胡威權延世遷鄴之後雖主器有人號令所

加政皆自出顯祖因循鴻業內外協從自朝及野羣心屬望東

魏之地舉世樂推曾未期月玄運集已始則存心政事風化肅

然數年之間翕斯致治其後縱酒肆欲事極猖狂昏邪殘暴近

年未有饗國弗永實由斯疾胤嗣殄絕罔不餘殃者也

廢帝 名殷宣帝子常山王
演廢之自立號乾明

武成帝 名湛宣帝弟驪奢淫
太子號太寧清平共四年
法傳位

後主 名諱武成太子奢後昏亂周武帝伐齊而滅之號天統
武平隆化幼主神光共十二年北齊五主合二十八年

後周閔帝 姓宇文名覺年十五篡位都長安得國實宇文護
爲之相既而惡護專政爲所弒不改元凡二年

明帝 名毓閔帝異母兄宇文護所立憚其明敏進
毒弒之不改元二年號武成二年凡四年

武帝 名邕明帝弟誅宇文護起兵滅齊消佛道二教明
斷節儉臨雍拜老號保定天和建德共十七年

史臣令狐德芬曰太祖屬與能之時應啓聖之運鳩集義勇

糾合同盟一舉而殄仇讎再駕而匡帝室於是內詢帷幄外杖

材雄雉至誠以待人弘大順以訓物紹元宗之衰緒創隆周之

景命南靖江漢西舉巴蜀北控沙漠東據伊瀍乃擯落魏晉憲

七

章古昔脩六官之廢典成一代之鴻規德刑並用勳賢兼敘功業若此人臣以終盛矣哉至於渚宮制勝闔城孳戮茹茹歸命盡種誅夷雖事出於權道而用乖於德教周祚之不永或此之

由乎

宣帝

名贊武帝太子驕奢好殺禪位太子稱天元皇帝號宣政一年

靜帝

名閻年幼即位太后楊氏堅之又遂篡位五主合二十四年

隋紀

隋文帝

姓楊名堅華陰人父忠事魏及周封隋公靜帝幼大象

人物高強為太子廣所弒號開皇仁壽共二十四年

辛丑開皇元年十月初行新律

命高頴鄭譯及楊素裴政等脩定去梟輓鞭法始制死刑二斬絞流刑二百二千里至三千里徒刑五自一年至三年杖刑五自六十至一百笞刑五自十至五十又制議請減贖官當之科

三年詔求遺書

書法自漢成至元魏於是三見

命左右

僕射分判六部

改度支尚書為民部都官尚書為刑部命左

僕射判吏禮兵三部事右僕射判民刑五三部事

五年五月

初置義倉貌閱戶口作輸籍法

後世義倉之始

二十年立

晉王廣為皇太子是日天下地震

書法天下地震者無一方

不震之詞也書是日何捷也綱目天地之變書是日三漢哀帝

用丁傅是日日食桓帝微行是日書昏隋文廢勇立廣是日天

下地震終綱目一而已

仁壽四年七月太子廣弒帝於大寶

殿而自立遂殺故太子勇

高祖性嚴重令行禁止勤於政事

雖嗇於財至於賞賜有功即無所愛愛養百姓乘輿御物故弊者隨令補用然猜忌苛察功臣故舊無始終保全者乃至於子

弟皆如仇敵

李延壽論曰隋文帝以外戚之尊受託

孤之任乘乎機運遂遷周鼎于時蠻夷猾夏荆揚未一鈔勞日
不經營四方樓船南邁則金陵失險驃騎北指則單于款塞職
方所載竝入疆理於是躬節儉平徭賦倉廩實法令行君子咸
樂其生小人各安其業區宇之內晏如也而素無術業不能盡
下無寬仁之度有刻薄之資豎乎暮年此風愈扇又雅好瑞符
暗於大道建彼維城權侔京室皆同帝制靡所適從聽妬婦之
言惑邪臣之說溺寵廢嫡託付失所滅父子之道開昆弟之隙
縱其尋斧剪伐本根墳土未乾子孫繼種為戮松檟纒列天下
已非隋有惜哉

煬帝

名廣文帝以獨孤后之言立之字文化及等弒之於江都改元大業九年

丙寅大業二年

始建進士科

後世進士之科始此

煬帝至江都荒淫益甚

酒危不離口然見天下危亂亦不自安汲汲顧景又引鏡自照

曰好頭頸誰當砍之

史臣魏徵曰煬帝爰在弱齡早

有今聞南平吳會北劫匈奴昆弟之中獨著聲績故得獻后鍾

心文皇革慮天方肇亂遂登儲兩地廣三代威振八紘負其富

強之資思逞無厭之欲狹殷周之制度尚秦漢之規摹恃才矜

已傲狠明德教絕四維刑參五虐頻出朔方三駕遼左乃急令

暴條以擾之嚴刑峻法以臨之甲兵威武以董之自是海內騷

然無聊生矣俄而玄感肇黎陽之亂匈奴有鴈門之圍天子方

棄中土遠之揚越上下方蒙莫肯念亂振蟬蛸之羽窮長夜之

樂土崩魚爛貫盈惡稔終然不悟同彼望夷遂以萬乘之尊死

於匹夫之手滅身滅國未有若斯之甚也

恭帝 名侑文帝孫李淵立之號義寧一年三主合三十七年

唐紀

唐高祖 姓李名淵字叔德成紀人位周封唐公隋亂起兵晉陽立恭帝而廢之都長安土德王改元武德凡九年

戊寅武德元年五月定律令置學校 發明秦人焚書坑儒至

漢始開學校隋人廢黜儒學至唐始置學校 廢隋帝侑為鄴

國公而選用其宗室 范氏曰高祖即位而錄隋子孫由漢以

來最為忠厚其享國長世宜哉 二年二月定租庸調法 有

田則有租有身則有庸有戶則有調每丁租二石絹二疋綿三

兩 四年以秦王世民為天策上將 以世民功大特置天策

上將位在王公上開府置屬以杜如晦房玄齡虞世南褚亮姚

思廉李玄道蔡允恭薛元敬顏相時蘇勗于志寧蘇世長薛收

李守素陸德明孔穎達蓋文達許敬宗為文學館時人謂之登

瀛洲 七年初定官制 以大尉司徒司空為三公次尚書門

下中書秘書殿中內侍為六省次御史臺太常至大府為九寺

次將作監次國子學次天策上將府次左右衛至左右領衛為

十四衛東宮置三師三少詹事及酒坊三寺十率府王公置府

佐國官公主置邑司並為京職官州縣鎮戍為外職事官自開

府儀同三司至將仕郎二十八階為文散官驃騎大將軍至陪

戎副尉二十一階為武散官上柱國至武騎尉十二等為勳官

史臣歐陽脩贊曰自古受命之君非有德不王自夏后氏以來始傳以世而有賢有不肖故其為世數亦或短或長

論者乃謂周自后稷至於文武積功累仁其來也遠故其世尤長唐在周隋之際世雖貴矣然烏有所謂積功累仁之漸而高祖之興亦何異因時而特起者歟雖有治有亂或絕或微然其有天下年幾三百可謂盛哉豈非人猷隋亂而蒙德澤繼以太宗之治制度紀綱之法後世有以憑藉扶持而能永其天命歟

太宗名世民十八起義兵高祖因傳位改元貞觀共二十三年 八月太子即位九月置弘文館 聚四庫書二十餘萬卷 丁亥貞觀元年正月制諫官入閣議事 發明諫官隨宰相入閣有失輒諫此貞觀致治之本 二月分天下為十道張九韶曰關內以京官遙領河南治陳留河東治晉陽河北治魏郡山南治漢中隴右治西平淮南治廣陵江南治吳郡劔南治蜀郡嶺南治南海 四年勅有司

詔勅未便皆報奏 詔定常服差等 三品以上服紫四品五

品服緋六品七品服綠八品服青婦人從其夫色 十年更命

統軍別將為折衝果毅都尉 凡十道置府六百三十四而關

內二百六十一皆隸諸衛及東宮六率凡上府兵千二百人中

府千人下府八百人二十為兵六十而免能騎射者為越騎其

餘為步兵 十七年圖功臣於凌烟閣 長孫無忌趙郡王孝

恭杜如晦魏徵房玄齡高士廉尉遲敬德李靖蕭瑀段志玄劉

弘基屈突通殷開山柴紹長孫順德張亮侯君集張公謹侯知

節虞世南劉政會唐儉李世勳秦叔寶 賀善贊曰太

宗令德相望于冊莫難於再書出宮女三千書聘鄭氏為充華

既而罷之二事其失德莫大於殺太子建成齊王元吉書帝自

稱太上皇太子即位書立皇子明為曹王三事

五百廿六

唐有天下傳世二十其可稱者三君玄宗憲宗皆不克其終盛
哉太宗之烈也其除隋之亂比迹湯武致治之美庶幾成康自
古功德兼隆由漢以來未之有也至其牽於多愛復立浮圖好
大喜功勤兵於遠此中材庸主之所常為

高宗

名治太宗第九子廢太子承乾而立之即位廢王皇后立武昭儀既而若風眩令皇后決百官奏事改元永徽顯德龍朔麟德乾封總章咸亨上元儀鳳調露永隆開耀永淳弘道共三十四年

贊曰小雅曰

赫赫宗周褒姒滅之武氏之亂唐之宗室戕殺殆盡其賢士大
夫不免者十八九以太宗之治其遺德餘烈在人者未遠而幾
於遂絕其為惡豈一褒姒之比邪以太宗之明昧於知子廢立
之際不能自決卒用昏童高宗溺愛衽席不戒履霜之漸而毒

沉天下貽禍邦家嗚呼父子夫婦之間可謂難哉可不慎哉

武后

名曁高宗崩中宗即位后廢之立子旦為帝后臨朝殺唐宗室改為周張東之等五人迎中宗復位改光宅垂拱永昌天授載初長壽如意延載天冊萬歲通天神功聖曆久視大足長安共二十一年

甲申嗣聖元年

山出於新豐太后改新豐為慶山縣俞文俊言天氣不和而寒

暑併人氣不和而贅疣生地氣不和而地阜出

六年

太后永昌元年

太后自名曁改詔曰制照為曁天為西地為壑日為日為

田星為君為問臣為患載為夷初為鳳年為垂正為禹

年二月太后策貢士於洛城殿貢士殿試自此始

十七年

久視

司空梁文惠公狄仁傑卒

書法不書周何著仁傑之始終

為唐也唐臣卒具官爵姓謚者五人狄仁傑宋璟李晟馬燧裴

度具官爵謚者一人郭子儀 十九年長安二年周設武舉

中宗名哲高宗太子即位後武后廢之居均州遷房州九十四年還東都居東宮五王迎復位帝后擅權淫亂以毒弒之

改元神龍景龍九五年 贊曰昔者孔子作春秋而亂臣賊子懼

自司馬遷班固皆作高后紀呂氏雖非篡漢而盜執其國政遂

不敢沒其實豈其得聖人之意歟抑亦偶合於春秋之法也唐

之舊史因之列武氏于本紀蓋其所從來遠矣武后之惡不及

於大戮所謂幸免者也至中宗常氏則禍不旋踵矣然其親遭

母后之難而躬自蹈之所謂下愚之不移者歟

睿宗名旦中宗弟武后立為帝七年改唐為周立為皇嗣九年封相王又十年子隆基討帝氏即位二年稱太上皇改元

景雲太極九五年又改先天

玄宗名隆基睿宗太子宋王成器嫡長宜立辭曰國家安則先嫡長危則先有功遂即位改元開元天寶共四十四年

丁巳開元五年令史官隨宰相入侍群臣對仗奏事 六年

令州縣歲十二月行鄉飲酒禮書法終綱目開元一行 十八

年二月初令百官休日選勝行樂書初令譏教逸也 二十五

年二月立明經問義進士試經法 詔曰進士以聲韻為學多

昧古今明經以帖誦為功罕窮旨趣自今明經問大義十條對

時務策三首進士試大經十帖 二十七年追謚孔子為文宣

王先是祀先聖先師周公南向孔子東向坐制自今孔子南向

坐被王者之服釋奠用宮懸贈弟子為公侯伯 贊曰

睿宗因其子之功而在位不久固無可稱者嗚呼女子之禍於

人者甚矣自高祖至于中宗數十年間再罹女禍唐祚既絕而

復續中宗不免其身韋氏遂已滅族玄宗親平其亂可以鑒矣

而又敗以女子方其勵精政事開元之際幾致太平何其盛也
及侈心一動窮天下之欲不足為其樂而溺其所甚愛忘其所
可戒至於竄身失國而不悔考其始終之異其性習之相遠也
至於如此可不慎哉

肅宗

名璵更名亨玄宗殺太子瑛鄂王瑤光王琚立為太子幸
蜀太子即位靈武郭子儀李光弼克復二京其後制於李

輔國及張皇后改元至德
乾元上元寶應共七年

代宗

名做更名豫肅宗長子改元
廣德永泰大曆共十四年

賀善曰代宗可錄

者謝裴諤召郈模嫁懷恩女三事雖能罪三宦誅元載由初寵
任之過至於專事姑息遂殺主帥命為主帥遂為後來故事

贊曰天寶之亂大盜遽起天子出奔方是時肅宗以皇

太子治兵討賊真得其職矣然以僖宗之時唐之威德在久紀

綱未壞孰與天寶之際而僖宗在蜀諸鎮之兵亂合戮力遂破

黃巢而復京師由是言之肅宗雖不即尊位亦可以破賊矣蓋

自高祖以來三遜於位以授其子而獨睿宗上畏大戒發於誠

心若高祖玄宗豈其志哉代宗之時餘孽猶在平亂守成蓋亦

中材之主也

德宗

名适代宗長子改元建中
興元貞元共二十五年

庚申建中元年正月始作兩

税法楊炎建議作兩税法先計州縣每歲所用及上供之數而

賦於人量入以制出戶無主客以見居為簿人無丁中以貧富

為差 四年初行稅間架除陌錢法每屋兩架為一間上至稅

錢二千中一千下五百除猶墊也凡公私貿易千錢舊止除留

二十今加為五十後貞元九年初稅茶 文藝傳唐有天下

三百年文章無慮三變高祖太宗大難始夷汾江左餘風絳句
繪章揣合低抑故王揚為之伯玄宗好經術羣臣稍厭雕琢索
理致崇雅黜浮氣益雄渾則燕許擅其宗是時唐興已百年諸
儒爭自名家大曆正元間美才輩出嚆嚆道真為泳聖涯於是
韓愈倡之柳宗元李翱皇甫湜等和之排逐百家法度森嚴抵
轢晉魏上軋漢周唐之文竟然為一王法此其極也若侍從酬
奉則李嶠宋之問沈佺期王維制用則常袞楊炎陸贄權德輿
王仲舒李德裕言詩則杜甫李白元稹白居易劉禹錫譎怪則
李賀杜牧李商隱皆卓然以所長為一世冠其可尚已若常應物沈亞

之閻防祖詠薛能鄭谷等其類尚多皆班班有文在人間史家記其行事故弗得而述云

順宗 名誦德宗太子早歲嬰疾委任李吉甫僅八閱月傳位太子

憲宗 名純順宗太子伐叛討逆改元元和十五年 八月始令史官撰曆日 胡氏

曰李義府許敬宗不許史官聞仗後事姚璹又建令宰相撰時
政記今常執誼又奏令史官撰口曆日曆云者猶起草也將加
是正而潤色焉爾 丙戌元和元年策試制舉之士 於是元
楨獨孤郁白居易蕭俛沈傳師出焉 賀善曰憲宗志

平僭叛所向有功真中興之主獨有二病一任宦閹二好進奉
贊曰德宗猜忌刻薄以疆明自任耻見屈於正論而
忘受欺於姦諛故其疑蕭復之輕已謂姜公輔為買直而不能
容用盧杞趙贊則至於敗亂而終不悔及奉天之難深自懲艾
遂行姑息之政由是朝廷益弱而方鎮愈疆至於唐亡其患以
此憲宗剛明果斷自初即位慨然發憤志平僭叛能用忠謀不

惑羣議卒收成功自吳元濟誅疆藩悍將皆欲悔過而效順當此之時唐之威令幾於復振則其為優劣不待較而可知也及其晚節信用非人不終其業而身罹不測之禍則尤甚於德宗嗚呼小人之能敗國也不必愚君暗主雖聰明聖智苟有感焉未有不為患者也昔韓愈言順宗在東宮一十年天下陰受其賜然享國日淺不幸疾病莫克有為亦可以悲夫

穆宗 名恒憲宗太子服金石之藥而崩改元長慶凡四年

敬宗 名湛穆宗太子遊戲狎昵宦官劉克明弑之改元寶曆二年

文宗 名瀍更名昂穆宗子改元太和開成十四年

武宗 名炎文宗弟穆宗子英敏特達專任李德裕削平僭亂改元會昌六年

宣宗 名治更名忱憲宗十三子盡心治上臨朝接對羣臣如

客雖左右近習未嘗見其有惰容每宰相奏事傍無一人立者奏畢忽怡然曰可以閑語矣因問閭閻細事或談宮中遊宴令孤絢謂人曰吾十年秉政最承恩遇每延英奏事未嘗不汗沾衣也
贊曰穆敬昏童失德以其在位不久故天下未

至於敗亂文宗恭儉儒雅出於天性嘗讀太宗政要慨然慕之及即位銳意於治每延英對宰臣率漏下十一刻唐制天子以隻日視朝乃命輟朝放朝皆用雙日凡除吏必召見訪問親察其能否故太和之初政事脩飭號為清明然其仁而少斷甘露之事禍及忠良不勝冤憤飲恨而已昔武丁得一傳說為商高宗武宗用一李德裕遂成其功烈然其奮然除去浮圖之法甚銳而躬受道家之籙服藥以求長年以此見其非明智之不惑

者特好惡有不同爾宣宗精於聽斷而以察為明無復仁恩之意嗚呼自是而後唐衰矣

懿宗 名溫更名淮宣宗太子驕恣淫虐唐政愈衰改元咸通九十四年

僖宗 名儼懿宗太子方十二宦官立之政出臣下盜賊並起改元乾符廣明中和光啓文德共十五年

昭宗 名傑更名敏僖宗弟內為宦官所制外為藩鎮所逼其後朱全忠遷于洛陽而弒之改元龍紀大順景福乾寧光化

天復天祐九十六年

昭宣 名祝昭宗少子朱全忠弒太子裕兄弟九人立祝方十三歲仍號天祐九三年而全忠弒之唐亡唐九二十一年

洪武元年戊申共七百五十二年

五代梁太祖 姓朱名溫宋州人初從黃巢為盜歸唐賜名全忠色美尤寵之次子友珪弒之自立改元開平乾化九十六年

史臣歐陽脩曰嗚呼天下之惡梁久矣自後唐以來皆以為偽也至于論次五代獨不

偽梁議者或議予大失春秋之旨以為梁負大惡當加誅絕而

反進之是獎篡也非春秋之志也予應之曰是春秋之志爾魯

桓公弒隱公而自立者宣公弒子赤而自立者鄭厲公逐世子

忽而自立者衛公孫剽逐其君而自立者聖人於春秋皆不

絕其為君此予所以不偽梁者用春秋之法也然則春秋亦獎

篡乎曰惟不絕四者之為君於此見春秋之意也

均王 名友貞太子第三子討友珪即位更名瑱唐兵入大梁自

後唐莊宗 名存勗沙陀人朱耶先世事唐賜姓李其父克用破

亂軍流矢所中改元同光九四年

史臣曰嗚呼世久而失其傳者多

矣豈獨史官之謬哉李氏之先蓋出於西突厥本號朱邪至其

後世別自號曰沙陀而以朱邪為姓拔野古為始祖其自序云

沙陀者北庭之磧也當唐太宗時破西突厥諸部分同羅僕骨
之人於此磧置沙陀府而以其始祖拔野古爲都督其傳子孫
數世皆爲沙陀都督故其後世因自號沙陀然予考於傳記其
說皆非也夷狄無姓氏朱邪部族之號耳拔野古與朱邪同時
人非其始祖而唐太宗時未嘗有沙陀府也而夷狄無文字傳
記朱邪又微不足錄故其後世自失其傳至盡忠孫始賜姓李
氏李氏後大而夷狄之人遂以沙陀爲貴種云

明宗

胡人爲李克用養子名嗣源亂軍弒莊宗請監國後嗣位
登極之年已餘六十性不忌猜與物無忤及元長興天成

共八年

歐陽脩曰予聞長老爲予言明宗雖出夷狄而

爲人純質寬仁愛人於五代之君有足稱也嘗夜焚香仰天而
祝曰臣本蕃人豈足治天下世亂久矣願天早生聖人自初卽

位減罷官人伶官廢內藏庫四方所上物悉歸之有司庶壽域

火災有司理之請加丹雘喟然嘆曰天以火戒我豈宜增以侈

邪歲嘗旱已而雲暴坐庭中詔武德司宮中無得掃雪曰此天

所以賜我也數問宰相馮道等民間疾苦聞道等言穀帛賤民

無疾疫則欣然曰吾何以堪之當與公等作好事以報上天吏

有犯賊輒寘之死曰此民之蠹也以詔書褒廉吏孫岳等以風

示天下其愛人恤物蓋亦有意於治矣其卽位時春秋已高不

適聲色不樂遊畋在位十年於五代之君最爲長世兵革粗息

年屢豐登生民實賴以休息然夷狄性果仁而不明屢以非辜

誅殺臣下至於從榮父子之間不能慮慮爲防而變起倉卒卒

陷之以大惡帝亦由此飲恨而終

閔帝 各從厚明宗子潞王從珂入洛陽遂出奔

潞王 本姓王明宗養子石敬瑭兵至自

後晉高祖 姓石名敬瑭明宗之婿求援契丹比即位以十六州

王貴重改元天福七年 史臣曰嗚呼古之不幸無子而以其同

宗之子為後者聖人許之著之禮經而不諱也而後世間鄙

俚之人則諱之諱則不勝其欺與偽也五代禮樂崩壞三綱五

常之道絕而先王之制度文章掃地而盡於是矣如寒食野祭

而焚紙錢天子而為間閭鄙俚之事者多矣而晉氏起於夷狄

以篡逆而得天下高祖以耶律德光為父而出帝於德光則以

為祖而稱孫於其所生父則臣而名之是豈可以人理責哉

齊王 名貴重立上書契丹稱孫不稱臣連年交戰契丹後入

四年二王合十一年

後漢高祖 姓劉名智遠更名勗契丹滅晉遂即位於太原統一

福一年後改乾祐一年共二年 史臣曰嗚呼人君即位稱元年常事

爾古不以為重也孔子未脩春秋其前固已如此五代亂世也

其事無法而不合於理者多矣皆不足道也至其年號乖錯以

惑後世則不可以不明初梁太祖以乾化二年遇弒明年末帝

已誅友珪黜其鳳曆之號復稱乾化三年尚為有說至漢高祖

建國黜晉出帝開運四年復稱天福十二年何哉蓋以其愛憎

之私爾方出帝時漢高祖居太原常憤憤下視晉而晉亦陽優

禮之幸而未見其隙及契丹滅晉漢未嘗有赴難之意出帝已

北遷方陽以兵聲言追之至土門而還及其即位改元而黜開

字

運之號則其用心可知矣

隱帝名承祐高祖第二子太后臨朝為亂兵所弒契丹入寇太后勃郭威出征將士擁威還京為帝仍乾祐號二年二主

共四年

後周太祖姓郭名威隱帝遇弒將士擁立之統一百一十八州性儉約處事平允改元廣順顯德凡四年

子廣順二年朔如曲阜謁孔子祠拜其墓 書法卜朔而行禮

致拜以重道可謂知所尊矣終綱目書祠孔子五書謁孔子祠

一而書如者二其書日則一而已 三年九經板成初唐明宗

之世令國子監校正九經刻板賣至是板成獻之傳布甚廣是

時蜀母昭裔亦請蜀主刻板印九經蜀中文學亦盛 書法於

唐書初於周書成實錄也石經經板綱目備書之

世宗本姓柴名某太祖妻之姪因無子以高嗣不改元仍以顯德為號凡二正 戊午顯德五年遣

使均定境內田租 帝留心農事常刻木為農夫桑婦置之

廷以元積均田曷賜諸道 六年命王朴作律準定大樂 王

朴疏樂生於人心而聲成於物物聲既成復能感入之心昔黃

帝吹九寸之管得黃鍾正聲半之為清聲倍之為緩聲三分損

益之以成十二律旋相為宮以生七調為一均凡十二均八十

四調而大備唐祖孫考正大樂其法始備安史之亂時有博士

殷盈孫鑄鐃鍾十二編鍾二百四十處士蕭承訓校定石磬今

之在懸者是也臣謹如古法以秬黍定尺長九寸徑二分為黃

鍾之管作律準十有三絃其長九尺皆應黃鍾之聲以次設柱

為十一律及黃鍾清聲旋用七律以為一均為均之主者宮也

不亂乃成其調凡八十一調此法出臣獨見 蔡氏傳以之審
度則黃鍾之長一黍為一分而十分為寸以之審量則黃鍾之
管容子穀秬黍中者一千二百以為龠而十龠為合以之平衡
則黃鍾之龠容千二百黍其重十二銖兩龠二十四銖為兩此
黃鍾所以為萬事根本也 史臣曰世宗區區五六年

間取秦隴平淮右復三關威武之聲震懾夷夏而方內延儒學
文章之士考制度脩通禮定樂議刑統其制作之法皆可施於
後世其為人明達英果議論偉然即位之明年廢天下佛寺三
千三百三十所是時中國乏錢乃詔悉毀天下銅佛像以鑄錢
嘗曰吾聞佛說以身世為妄而以利人為急使其真身尚在苟
利於世猶欲割截况此銅像豈有所惜哉由是羣臣皆不敢言

嘗夜讀書見唐元稹均田圖慨然嘆曰此致治之本也王者之
政自此始乃詔頒其圖法使吏民先習知之期以一歲大均天
下之田其規為志意豈小哉

恭帝 名宗訓世宗之子七歲即位顯德七年河東劉均與址軍
入寇命趙匡胤征至陳橋驛諸軍策亂為天子仍舊號

宋 一年三主共九年自周辛
亥至明戊申共四百十四年

借國 吳 楊行密廬州人唐僖宗時為高駢押牙天復二年賜爵
吳王 王建國揚州子渥嗣其將張顥徐溫弒之立其弟隆

南唐 徐知誥篡之四主共三十六年
徐知誥篡之四主共三十六年

南唐 子煜嗣位宋曹彬伐江南
年自稱帝復姓李名昇建國金陵曰唐子璟嗣奉周正朔

前蜀 王建許州人少屠牛私販迎僖宗於蜀昭宗封為蜀王梁
王 王建亦稱帝國號蜀子宗衍立唐師伐蜀王衍出降二

成康 諸僭國皆有年號
主凡二十三年行號乾德

成康 諸僭國皆有年號
主凡二十三年行號乾德

後蜀 孟知祥邢州人初事晉封蜀王閔帝應順元年僭稱帝子
仁贊立更名昶周世宗屢征之而未下至宋太祖遣王全
斌等伐蜀昶降二主共三十六年

閩 王審知光州人其兄潮初從王緒為寇衆廢緒推潮為主累
至威武節度使潮卒審知代之梁開平三年封閩王子延翰
嗣自稱大閩國王弟延鈞攻殺之而自立明宗時稱帝更名璘
其子繼鵬弒之而自立更名昶晉高祖時叔父延義弒昶而自
立更名曦自稱大閩皇帝開運元年指揮使朱文進殺曦自立
稱閩王閩人殺文進迎殷主王延政歸福州延政以殷有唐兵
未暇徙都李仁達迎靈峯寺僧卓巖明為帝復殺之自稱留後
天福十二年吳越兵取福州殺仁達凡入主共三十九年 延
政稱帝建州國號

吳越 錢鏐杭臨安人僖宗乾符五年鏐以驍勇事董昌為兵馬
使昭時為鎮海節度使攻董昌盡有浙東西之地梁開平
為吳越王子傳瓘嗣更名元瓘將吏輯睦子弘佐立躬勤政務
弟弘侖嗣統軍使胡進思作亂廢之立其弟弘傑來太宗太平
興國二年倣入朝盡獻其地凡五主共七十七年

南平 高季昌陝州人梁王朱全忠以為荆南節度使更號平
南平高季昌陝州人梁王朱全忠以為荆南節度使更號平南
唐莊宗封季興為南平王子從誨立於唐脩職勇平保

立卒弟深最立卒融之子繼冲
立後歸於宋凡五主四十九年
楚 馬殷許州人少為木工以材勇聞梁初以為楚王子希聲嗣
希聲弟範嗣卒弟希廣嗣其兄希萼殺希廣自立楚將徐威執
唐凡六主共三十五年

南漢 劉隱上蔡人立功嶺南乾化元年封隱南海王弟叡嗣稱
帝於廣州國號越改號大漢子弘度立更名玢其弟弘熙
弒之自立更名晟子繼興立更名
銀降於宋凡五主共六十六年

北漢 劉崇智遠之弟隱帝遇弒迎立崇子贊乃郭威自立崇自
稱帝於大原子承鈞立卒養子繼恩立其下弒之立其弟
繼元出降凡四主共三十年

宋紀

宋太祖 姓趙名匡胤涿郡人父弘殷為周檢校司徒娶杜氏生
帝洛陽夾馬營赤光滿室謂之香孩兒仕周至殿前都
點檢稱帝改元建隆乾德開
寶共十七年都汴以火德王

庚申建隆元年贈周韓通為中

書令 三年二月初詔常參官轉對 每五日内殿起居百官

以次轉對指陳時政得失事關急切者許泐時上章 乾德元
年初以文臣知州事 五代諸侯強盛上用趙普謀漸削其權
或因其卒或因遷徙致仕或因遙領他職皆以文臣代之 三
年初置諸路轉運使 自唐天寶以來藩鎮屯重兵租稅所入
皆以自贍曰留使留州趙普乞命諸州度支經費外悉送汴都
凡一路之財置轉運使掌之雖節度防禦團練觀察諸使及刺
史皆不預簽書金穀之屬 五年三月五星聚奎周顯德中竇
儼與盧多遜楊徽之同為諫官儼善步星曆嘗謂徽之曰丁卯
歲五星聚奎自此天下太平 開寶六年初殿試貢士 帝享
年五十性孝友節儉任質自然一日坐便殿不樂曰早作乘快
悞決一事故不樂耳宮中簾緣用青布常服之衣澣濯至再

尤注意刑辟定為折杖法以遞減流徒杖笞之刑 史

臣脫脫曰建隆以來釋藩鎮兵權繩賦吏重法以塞禍亂之源
州郡司牧下至幕職躬自引對務農興學慎罰薄歛與世休息
道德仁義之風宋於漢唐蓋無讓焉

武宗

名匡義太祖之弟更名昺改元太平興
國雍熙端拱淳化至道共二十二年

丁丑太平興國

元年詔群臣論列者即時引對 二年賜禮部進士呂蒙正等

及第 三年二月立崇文院 初立三館遷西館書貯焉凡八

萬卷 五年二月定差役法 太祖因前代之制以衙前主官

物以里正戶長鄉書手課督賦稅以耆長工手壯丁逐捕盜賊
以承符人力手散從官給使令至是定諸州戶為九等上四等
充役下五等免之 八年宴進士于瓊林苑親試禮部貢士於

講武殿始分三甲 以呂文仲為翰林侍讀王著為侍書帝勤
于讀書詔史館脩太平御覽一千卷日進三卷宋琪以勞瘁諫
曰開卷有益不為勞也次年又以三館書遺佚尚多乃詔求遺
書及三百卷當議甄錄餘第卷帙之數優賜不願送官者借其
本寫之 淳化四年置審官院 帝慮中外官吏清濁混濊命
官考課號磨勘院至是改為審官院掌審京朝官其幕職州縣
官別置考課院主之 以陳恕為三司總計使時復置三司使
罷鹽鐵戶部度支三使 至道三年分天下州軍為十五路京
東京西河北河東陝西淮南江南荆湖南北兩浙福建川陝廣
南東西凡十五路各置轉運使 史臣曰太宗沉謀英
斷儉勤自勵閔農事考治功慎刑獄講學以求多聞不罪狂悖

以勸諫士至於欲自焚以答天譴故能削平海內若太祖之前
不踰年而改元涪陵武功之不得其死宋后之不成喪後世不
能無譏焉

真宗 各德昌改名侃再改恒太宗子元楚王元生被廢而
立改元咸平景德大中祥符天禧乾興共二十五年 已

亥咸平二年初給外任官職田以官莊及遠年逃田充之 四
年頒九經于州縣學校 景德元年置龍圖閣 奉太宗御製

文集及典籍圖畫寶瑞之物自是每一帝崩置一閣 二年七
月增置制舉六科 賢良方正等三科久不行至是增置為六

科曰賢良方正能直言極諫博通墳典達於教化才識兼茂明
於體用詳明治理可使從政識洞韜畧運籌決勝軍謀宏遠材

任邊寄詔中書門下試察其才具名奏聞臨軒親策之 大中

祥符元年天書見于承天門大赦改元 呂氏中曰李沆之言

至是驗矣封禪之議決于丁謂大計有餘之一言天書之降成

于欽若神道設教之一語 十一月帝過曲阜謁孔子加謚玄

聖文宣王 後改玄 為至字 胡一桂曰真宗景德以前足為繼世之賢

君祥符以後不過矯誣上天之主景德以前之相呂端張齊賢

李沆呂蒙正畢士安寇準王旦皆君子而沆之賢為最祥符以

後王欽若陳堯叟馮拯丁謂曹利用皆小人而欽若之奸邪為

最相道之開君德如此夫

仁宗 名受益更名禎真宗子十三歲即位遺詔劉皇后權處分

軍國事改元天聖明道景祐寶元康定慶曆皇祐至和嘉

祐共四 景祐二年正月作通英延義二閣自明道二年劉太

后崩帝始親政孫奭嘗上無逸圖帝命施於講讀閣又詔蔡襄

寫無逸篇於閣屏 三年詔給致仕官俸慶曆四年三月詔天

下州縣立學行科舉新法 宋初等奏教不本校學校士不察

於鄉里則不能覈名實有司束以聲病學者專於記誦則不足

盡人才乃詔本道使者選部屬官為教授員不足取於鄉里宿

學有道業者 嘉祐二年四月幽州地大震壞城郭壓死者數

萬人 史臣曰仁宗恭儉仁恕敬天重民燕居常服

濯帷帶衿綈多用繒絕常中夜饑思燒羊戒勿宣索曰恐膳

自此戕賊物命以備不時之需大辟疑者皆令上讞歲活千餘

人每諭輔臣曰朕未嘗詈人以死况敢濫用刑乎至於夏人犯

邊禦之出境契丹渝盟增以歲幣在位四十二年之間吏治若

媮惰而任事蔑殘刻之人刑法似縱弛而決獄多平允之士國

未嘗無嬖倖而不足以累治世之體朝未嘗無小人而不足以勝善類之氣君臣上下惻怛之心忠厚之政有以培壅宋三百餘年之基子孫一矯其所為馴致於亂傳曰為人君止於仁帝誠無媿焉
呂本中曰仁宗四十二年深仁厚澤刑以不殺為威財以不畜為富兵以不用為功人才以不作聰明為賢以厚寬待民以恩禮待士夫而以至誠待夷狄蘇軾謂社稷長遠終必賴之

英宗

名宗實濮安懿王子大宗曾孫仁宗立為子賜名曙曹太后聽政改元治平四年

治平元年五

月太后還政于帝加韓琦尚書右僕射 帝疾大瘳琦乃取十餘事稟帝裁決悉當琦即請太后覆奏后每事稱善琦即厲聲命撤簾
呂中曰當國家危疑之秋大臣能任事者一

曰德望二曰才智韓魏公蓋自慶曆嘉祐之時可屬大事其德望服人心久矣至於處事應變胸中才智又足運用此所以正英宗之始歟在真宗之初則有呂端在仁宗之初則有王曾皆安國家正社稷之名臣也 內侍任守忠交構兩宮韓琦出空頭勅一道歐陽脩已簽趙槩難之脩曰第書之韓公必自有說既而琦坐政事堂召守忠立庭下曰汝罪當死遂責蘄州安置取空頭勅填與之即日押行 二年詔議濮安懿王典禮王珪等議濮王於仁宗為兄於皇帝宜稱皇伯而不名歐陽脩引喪服大記以為為人後者為其父母降服三年為期而不沒父母之名以見服可降而名不可沒也 程頤曰若稱為皇

伯父濮國大國則在濮王極尊宗之道於仁宗無嫌貳之失

史臣曰英宗臨政必問故事與法所宜每裁決皆出群臣意表雖以疾疢不克大有為然使後世咏歎至德

神宗

初名仲鍼賜名頊英宗太子用王安石改元熙寧元豐共十八年

已酉熙寧二年創制

置三司條例司議行新法命陳升之王安石領其事泉人呂惠卿與安石論經義意多合遂定交凡所建請章奏皆惠卿筆也又以章淳為三司條例官曾布檢正中書五房安石信任布亞於惠卿而農田水利青苗均輸保甲免役市馬保馬方田諸役相繼並興號新法頒行天下 四月更定科舉法專以經義論策試士王安石言士少壯時正當講求天下正理乃閉門學作詩賦及其入官世事皆所未習於是改法罷詩賦帖經墨義士各占治易詩書周禮禮記一經兼論語孟子每試四場本初經

次兼經大義凡十道次論一首次策三道禮部試增一道其餘試則專以策限千字以上分五等第一等二等賜進士及第第三等賜進士出身第四等賜同進士出身第五等賜同學究出身立太學生三舍法初國子生以京朝七品以上子孫應襲者為之大學生以八品以下若庶人子孫之俊異者為之試藝如進士法帝廣太學增直講為十員生員釐為三等始入太學為外舍定額七百人外舍升內舍員三百內舍升上舍員百 元豐七年詔以孟軻配食孔子從知鄆州曾孝寬請詔孟子與顏子並配孔子又追荀况為蘭陵伯楊雄為成都伯韓愈為昌黎伯從祀廟廷 史臣曰神宗天性孝友其入事兩官必立侍終日其即位也敬畏輔相不事遊幸勵精圖治將大有為

未幾王安石入相知祖宗志吞幽薊而數敗兵遂以偏見曲學起而乘之致祖宗之良法美意變壞幾盡自是邪佞日進人心日離禍亂日起惜哉

哲宗 初名備更名煦神宗之子十歲即位高太后輔政改元元祐紹聖元符共十五年 元祐元年以

司馬光為尚書左僕射兼門下侍郎以呂公著為門下侍郎光

已得疾令子康扶入對遼人聞之曰中國相司馬矣母輕生事

開邊隙公著居政府與司馬光同心輔政 八年九月太皇

太后高氏崩冬十月帝始親政詔內侍劉瑗等復入給事 太

后臨朝九年朝廷清明華夏綏定力行故事抑絕外家私恩號

為女中堯舜翰林學士范祖禹慮小人乘間害政上疏蔡確連

起大獄王韶剗取熙河章惇開五溪沈起擾交管沈括徐禧

克種諤與造西事以至吳居厚行鐵冶之法于京東王子京行

茶法于福建蹇周輔行鹽法于江西李稷薩師閔行茶法市易

于西川制定教保甲于河北賴陛下與先後起而救之惟是向

來所斥逐之人窺伺事變 紹聖四年以許將為中書侍郎時

章惇蔡卞同肆羅織貶謫元祐諸臣欲舉漢唐故事誅戮黨人

帝以問將對曰本朝治道所以遠過漢唐者以未嘗誅戮大臣

也元祐中帝御邇英殿呂大防等進曰祖宗家法所立最善自

古人主事母后朝見有時祖宗以來皆朝夕見此事親之法前

代大長公主用臣妾之禮仁宗以姪事姑此事長之法前代官

闈多不肅本朝宮禁嚴密此治內之法前朝外戚多預政事本

朝母后之族皆不預事此待外戚之法前代官室多尚華侈本

集卷之二

朝宮殿止間赤白此尚儉之法前代人君在宮禁出輿入輦祖宗皆自內庭出御後殿此勤身之法前代人主在禁中冠帶多苟簡祖宗以來燕居必以禮此尚禮之法前代多深於用刑本朝臣下有罪止於罷黜此寬仁之法 史臣曰哲宗

幼冲踐祚宣仁同政召用馬呂諸賢罷青苗復常平故元祐之政庶幾仁宗柰何熙寧舊奸濟去未盡已而媒孽復用卒假紹述之言務反前政報復善良馴致黨禍君子盡斥而國政益敝矣

徽宗 名佖神宗第十一子金兵長驅南來傳位太子改元 崇

寧元年立黨人碑于端禮門 蔡京籍宰執司馬光文彥博呂

公著呂大防劉摯范純仁韓忠彥王珪梁燾王巖叟王存鄭雍

傅堯俞趙瞻韓維孫固范百祿胡宗愈李清臣蘇轍劉奉世范

純禮安燾陸佃曾任待制以上官蘇軾范祖禹孔文仲孔武仲

朱光庭孫覺鮮于侁賈易鄒浩等餘官程頤秦觀張耒晁補之

黃庭堅孔平仲等內臣張士良等武臣王獻可等凡百二十人

為奸黨二年令州縣立黨人碑有長安石工安民當鐫字辭曰

司馬相公者海內稱其正直今謂之奸邪民不忍刻也被役不

敢辭乞免鐫安民二字於石末 四年以朱勗領蘇杭應奉局

及花石綱 重和四年黑青見于禁中 元豐末有物大如席

夜見寢殿上而神宗崩元符末又見哲宗崩至大觀間漸晝見

政和以來大作每出若列屋摧倒之聲其形僅丈餘彷彿如龜

黑氣蒙之又洛陽府畿內忽有物如人不辨眉目掠小兒食之

謂之黑漢後七年都城有女子生髭詔度爲女道士又有賣青菜男子孕而誕子

史臣曰宋中葉之禍章蔡首惡趙

良嗣屬階然哲宗之崩徽宗未立章惇謂其輕佻不可以君天下連天祚之亡張穀舉平州來歸良嗣以爲納之失信於金必啓外侮跡徽宗失國之由恃其私智小慧疏斥正士狎近奸諛溺信虛無崇飾遊觀及童貫用事又佳兵勤遠稔禍速亂國破身辱遂與石晉重貴同科豈得諉諸數哉

欽宗初名亶改名桓徽宗大子金兵陷汴二帝赴北改元靖康一年前宋九九主共一百六十六年丙午靖

康元年詔中外臣庶直言得失自金人犯邊下求言之詔事稍緩則陰沮抑之當時有城門閉言路開城門關言語閉之語

史臣曰靖康初政能正王黼朱勔等罪而極竄之故金

人聞帝內禪將有卷甲北旆之意矣惜其亂勢已成惴惴然講

和之不暇蓋亦巽懦而不知義者歟

南宋高宗名構徽宗第九子南渡都于錢塘改元建炎紹興共三十六年丁未建炎元年六

月李綱至行在固辭相位不許綱進十事一議國是二議巡幸

三議赦令四議僭逆五議偽命六議戰七議守八議本政九議

久任十議脩德三年重正三省官名自元豐肇建三省凡軍

國事中書揆而議之門下省覆之尚書承行之三省皆不置長

官以左右僕射兼兩省侍郎二相既分班進呈首相遂不復與

朝廷議論元祐初司馬光乃請令三省官合班奏事分省治事

至是從呂頤浩之言詔左右僕射並同中書門下平章事改中

書門下侍郎爲參知政事省尚書左右丞三省始合焉紹興

二年頒戒石銘于州縣 黃庭堅所書銘曰爾俸爾祿民膏民脂下民易虐上天難欺 十四年帝書六經刻石于太學

史臣曰高宗恭儉仁厚以之繼體守文則有餘撥亂反正則不足當其初立因四方勤王之師內相李綱外任宗澤天下之事宜無不可為者顧乃播遷窮僻坐失事機始惑于汪黃終制於秦檜偷安忍恥匿怨忘親以貽來世之譏

孝宗

初名伯琮復名瑗更名昚宗室秀王子太祖七世孫受禪即位改元隆興乾道淳熙共二十七年

甲申

隆興二年詔輔臣晚對便殿 詔曰每聽朝議政頃刻之際意

有未盡宜於未申聞入對便殿庶可坐論得盡所聞 乾道七

年作敬天圖帝謂輔臣曰無逸一篇享國長久皆本於寅畏朕

近日取尚書所載敬事編為兩圖朝夕觀覽 淳熙三年罷鸞

爵 詔曰鸞爵非古也夫理財有道樽節出入足矣 十四年

九月太上皇有疾冬十月帝罷朝侍疾太上皇崩帝致喪三年

太上皇崩帝號慟擗踊踰二日不進膳譚王淮等曰晉孝武

魏孝文實行三年喪服何嫌聽政准曰晉武雖有此意後來在

宮中止用深衣練冠帝曰自我作古何害於是詔曰太行太上

皇帝奄棄至養朕當衰服三年羣臣自遵易月之令

史臣贊曰孝宗聰明英毅卓然為南渡諸帝之稱首即位之初

銳志恢復符離邂逅失利重違高宗之命不輕出師又值金世

宗之立金國平治無釁可乘然易表稱書改臣稱姪減去歲幣

以定鄰好金人易宋之心至是亦寢異於前日矣故世祖每戒

群臣必曰吾恐宋人之和終不可恃蓋亦忌帝之將有為也天

厭南北之兵欲休民生故帝用兵之志弗遂而終焉自古人君起自外藩入繼大統而能盡宮闈之孝未有若帝其間父子怡愉同享高壽亦無有及之者終喪三年又能却群臣之請而力行之宋之廟號若仁宗之為仁孝宗之為孝其無愧焉

光宗 名惇孝宗太子疾篤李后立嘉王改元紹熙五年

史臣曰光宗即位總

權綱薄賦寬刑見於紹熙初政及夫宮闈妬悍內不能制驚憂致疾自是政治日昏孝養日怠而乾淳之政衰焉

寧宗 名擴光宗子改元慶元嘉泰開禧嘉定共三十年

史臣曰宋世內禪者

四寧宗之禪獨當事勢之難能不失禮節焉斯可謂善處矣初年以舊學輔導之功召用宿儒中更佐胄用事內蓄羣奸至指正人為邪正學為偽外挑強鄰流毒淮甸乃函仇胄之首行成

于金國體缺矣既而彌遠擅權至於皇儲國統亦得遂其廢立

之私他可知矣

理宗

初名與莒宗室趙希躋子太祖十世孫史彌遠廢先寧宗擇沂王子名貴和所定皇子竑而立之更名昀改元寶慶

紹定端平嘉熙淳祐寶祐開寶景定共十四年

丙戌寶慶二年建昭勳崇德閣

趙

普曹彬薛居正石熙載潘美李沆王旦李繼隆王曾呂夷簡曹

瑋韓琦曾公亮富弼司馬光韓忠彥呂頤浩趙鼎韓世忠張浚

陳康伯史浩葛邲後益以趙汝愚凡二十四人皆圖形其上

辛丑淳祐元年詔加周敦頤張載程顥程頤封爵與朱熹並從

祀孔子廟庭黜王安石從祀

後景定二年又加張栻呂祖謙

伯爵並從祀

史臣曰理宗享國久長與仁宗同然仁

宗之世賢相相繼理宗四十年之間若李勉崔與之吳潛之賢

皆弗究于用而史彌遠丁大全賈似道竊弄威福與相終始治
效之不及慶曆嘉祐宜也蔡州之役函守緒遺骨俘宰臣天綱
可以復齊襄之仇顧乃貪地棄盟事釁隨起良由中年嗜欲既
多權移奸臣經筵性命之談固無益也雖然嘉定以來正邪賢
亂自帝繼統首黜王安石從祀升濂洛九儒表章朱熹四書後
有以理學復帝王之治者功自帝始廟號曰理其殆庶乎

度宗 初名孟啟福王與芮之子理宗姪立 **丁卯歲** 淳熙三年帝

釋菜孔子以顏回曾參孔伋孟軻配列邵雍司馬光為從祀

又升顯孫師為十哲 **史臣曰宋至理宗疆宇日蹙賈**

似道執國命度宗繼統雖無失德而拱手權奸衰敬彌甚亡國

不于其身幸矣

瀛國公 名焘度宗子號德祐二年元伯頴入臨安同謝太

德祐二年五月益王 名與 **即位于福州** 號景炎二年

戊寅景炎三年衛王即位 **礪州** 名昺號祥興凡二年元張弘範

之宋

遼太祖 耶律氏名億番名阿保機卧處夜有光殺諸部大人併

太宗 名德光太子次子改國號遼 **世宗** 名

穆宗 名璟太宗子 **景宗** 名

聖宗 名隆緒景宗長 **興宗** 名宗

道宗 名洪基興宗子再改國 **海**

瀕王 名延禧太宗孫號天祚共二十四年為金所破

金太祖 姓完顏番名阿骨打天祚無道每歲徵海東青於

太宗

吳乞買名晟太祖之弟攻宋陷汴京執二帝號天會九十三年

熙宗

名亶

長子宰相完顏亮弒之自立號天眷皇統共十三年

海陵王

名亮太祖之孫遷都燕京復遷下舉

兵伐宋至揚州將士弒之號天德貞元正隆共十二年

世宗

更名雍太宗之孫賢明仁恕北方謂

之小克遼與宋遣使遠來脩好號太定凡二十三年

章宗

名璟世宗孫宋韓侂胄開邊生事函首于

金再成和議號明昌承安泰和凡十九年

東海郡侯

名允濟世宗子章宗叔大將統石烈弒之

號大安崇慶至寧共五年

宣宗

名珣世宗孫章宗兄元兵至燕金主乞和後一年燕京陷號貞祐興

定元光共十二年

哀帝

名守緒宣宗子即位敗兵走蔡州元兵與宋兵大功之守緒自焚號正大

開興凡十年金九主合一百一十六年自金太祖戊戌當宋至和元年至我明洪武戊申計二百五十三年

元紀

元太祖

姓溍奇溫氏名鐵木真蒙古部人諸部皆慕義而降會諸王即皇帝位于斡灘河之源凡二十三年

太宗

名高瀾台太祖第三子十三年

定宗

名貴由太宗長子立二年

憲宗

名蒙哥太祖第四子凡九年

世祖

名忽必烈憲宗全母弟建國太元改元中統至元凡三十一年

庚辰至元十七年遣使

窮河源

招討使都實受命行四閱月始抵其地言河出吐蕃

朵耳思西鄙有泉百餘泓登高望之如列星名火燉腦兒華言

星宿海也又岐為八九股行二十日至大雪山名騰乞里塔即

崑崙也又經恰刺別里赤兒之地合細黃河及乞兒馬赤二水

北行復折而西流過崑崙北又轉而東北行約二十餘日至積

石始入中國云約自河發源至中國計及萬里世言河九折蓋

彼地有二折焉 十一月行授時曆 郭守敬等同南北日官

陳鼎臣等創造儀像圭表為器言自漢以後曆法經七十改創

法者十三家今所考正者凡七事所創法者五事其法視古皆

法者十三家今所考正者凡七事所創法者五事其法視古皆

密一本天道自然之數 宋濂曰太祖沉深有大畧用兵如神
故能滅國四十遂平西夏其奇勲偉跡甚衆 梁寅曰元有天
下與圖之廣亘古所無然世祖之約不以漢人爲相而又不置
諫官所賴以爲用者惟史師而已

成宗

名鐵木耳世祖之孫改元貞大德九年

戊戌大德二年定歲課三十取

一 六年蘭谿處士金履祥卒

履祥少學同郡王栢及何基

之門嘗以劉恕通鑑外紀記司馬氏通鑑以前事不本於經乃
斷自尚書旁采子史作通鑑前編也於論孟大學諸經傳及禮
樂書各有注疏授其徒許謙以傳

武宗

名海山成宗兄答剌麻

制加孔子號曰大成至聖文宣

仁宗

名愛育黎拔力八 武宗同母弟改元皇慶元年

癸丑皇慶二年詔以周敦

頤程顥程頤張載邵雍司馬光朱熹張栻呂祖謙許衡竝從祀

孔子廟庭

初詔行科舉

世祖時議定科舉新制未及行至

是中書省臣復以爲言定天下三歲一開科蒙古色目人與漢
人南人各命題蒙古色目人願試漢人南人科目選者加一等
註授分進士爲兩榜蒙古色目人爲右漢人南人爲左第一名
從六品第二名以下及第二二甲皆正七品第三甲正八品 延
祐二年成紀縣山移 是夜疾風電雹北山南移平地突出土
阜高一三丈 史臣曰仁宗天性慈孝聰明恭儉通達

儒術妙悟釋典嘗曰明心見性佛教爲深脩身治國儒道爲切
又曰儒者可尚以能維持三綱五常之道也不事遊畋不崇貨

利事皇太后終身不違顏色有司奏大辟每慘惻逾時其孜孜
為治一遵世祖成憲云

英宗 名碩德人刺仁宗嫡子改元至治凡四年為御史大夫織失亦斤所弒

史臣曰帝

性剛明嘗以地震避殿徹樂減膳近臣有稱觴賀者叱曰朕方
脩德不暇女為大臣不能匡輔反為諂耶嘗謂宰執曰中書選
入署事旬日御史臺即改除之臺除者中書亦然今山林儒逸
良多卿等不能盡心求訪明斷類如此然以果於殺戮奸黨畏
誅遂構大變

泰定帝 名也孫帖木兒顯宗長子裕宗嫡長改元泰定致和凡五年

先武宗進考曰順宗

詔定祔廟之次太祖居中睿宗西第一世祖第二裕宗第三順
宗東第一成宗第二胡粹中曰睿宗裕宗順宗皆未嘗居天子

之位但當祔食於其所出之帝而各為立廟已非禮矣况成宗
為君時順宗為之臣而可躋其上乎泰定崩文宗不為立廟謚
止稱泰定帝 王禕曰武宗以兄弟相及約繼世子孫迭居大
位而仁宗不守宿約傳位英宗乃使武宗二子明宗文宗出居
於外及英宗遇弒晉邸乘間入繼大統或謂非所宜立然晉王
於世祖孫也於次為長舍晉王誰屬耶

明宗 名和世疎武宗長子未改禮宴諸王太子暴崩

文宗 名圖帖陸耳武宗次子明宗弟以致和元年即位改為天曆又改至順凡五年

寧宗 名懿璘質班明宗次子即位四十三日

順宗 名妥懽帖木耳明宗長子至順四年即位改至順為元統又改至元至正至二十八年戊申大明兵至京夜開建

德門北走元自太祖凡十四主一百六十三年至世祖大統凡九十三年世祖至洪武元年通九十九年

皇明通紀

皇明太祖

姓朱御名元隆濠州鍾離東鄉人母陳氏生四子帝最少生于元天曆戊辰之九月丁丑歲甲申四月六日父喪九日伯兄喪二十二日母喪壬辰六月起

兵戊申即皇帝位都金陵改元洪武凡三十一年 戊申洪武

元年以李善長徐達為左右丞相 命詹同等曰朕今立東宮

官必須勲德老成者為之而新進之賢亦選擇參用不別設府

寮而師傳賓友悉以廷臣兼之則讒間不生而卿等可以無疑

異也 定衛所官軍將帥將兵之法 自京師達於郡縣之險

要者皆立衛所大率以五千六百人為一衛一千一百二十人

為一千戶所一百一十二人為一百戶所每百戶所設總旗二

名小旗十名通以指揮千百戶領之有事征伐則詔總兵官佩

將印領之既旋則上所佩印於朝官軍各回本衛 上將發汴

梁徐達等自陳橋入辭 諭之曰克城之日母虜畧毋焚蕩毋

妄殺人必使市不易肆民皆按堵凡元之宗戚皆善待之 二

年詔脩元史 以李善長為監脩宋濂王禕為總裁汪克寬宋

禧陳基趙璜魯頰增高啓趙汭張文海徐尊生黃麓傅恕王

錡傅著謝徽為纂脩 又詔遣儒士歐陽佑國子監掌饌呂善

等十二人往北平等處采故元元統及至正三十六年事蹟增

脩元史 三年詔開科取士定科舉格 初場經義一道四書

義一道二場論一道詔誥表内科一道三場策一道中式者于

後十日以騎射書算律五事試之 詔考歷代服色所尚禮部

奏夏尚黑高尚白周尚赤漢尚赤唐服飾尚黃旗幟尚赤今服

色所尚於赤為宜 命禮部榜示凡北方便捷至嘗仕元者不賀

上御東閣聞履聲謂危素曰是汝吾以爲文天祥耶又謂治書侍御史劉師曰爾本元臣今日之捷爾不當賀 旂按我祖開基雖延攬英雄而余闕李黼之死建祠肖像北方捷至嘗事元者不許稱賀其扶植綱常至矣 建奉先殿於乾清宮左自太廟一歲之享之外每日焚香朔望薦新節序及生辰皆於此祭祀用常饌行人禮 命都府州縣及里社皆設壇祭無祀鬼神歲以三月清明七月望十月朔舉行 四年製燕享九奏樂章成吏書詹同協律郎冷謙等上一本太初二仰大明三民初生四品物亨五御六龍六泰階平七君德成八聖道成九樂清寧 五年特勅中書令有司今後考課必書農桑學校之績 六年祖訓錄成其目十有三箴戒持守嚴祭祀謹出入慎

國政禮威法律內令內官職制兵衛營膳供用

詔刑部尚書

劉惟謙詳定大明律

每成一篇輒繕寫以進上親加裁定篇

目一準之於唐合六百有六條分爲三十卷

十年觀心亭成

上曰人心易放操存爲難朕日酌庶務罔敢自暇自逸 上

嘗與侍臣論及古之女寵宦官外戚權臣藩鎮夷狄之禍曰不

惑於聲色嚴宮闈之禁貴賤有體何有女寵之禍不牽於私愛

苟犯政典裁以至公何有外戚之禍職在掃除供給使令不假

兵柄何有寺人之禍上下相繼防耳目之壅蔽謹威福之下移

何有權臣之禍使財歸有司兵必待符而調何有藩鎮之禍修

武備謹邊防來則禦之去不窮追何有夷狄之禍 十二年上

與吳沉論持身保業之道曰不慮於微終貽大患不防於小終

虧大德謹細行而無已者則可以成大善忽細事而不戒者則必至成大惡 十五年正月命儒臣重制九奏侑食樂章 曲

名炎精開運皇風天眷皇明天道傳振皇綱金陵長揚芳醴駕六龍 五月詔禮部尚書劉仲質國學新成將釋菜令議禮

上曰昔周大祖如孔子祠將拜左右曰孔子陪臣不宜拜周太祖曰百世帝王之師敢不拜乎乃再拜遂議釋菜前一日設御

幄于大成門外至日旦 上至御幄禮官入奏請具皮弁服導引官導 上詣盥洗位揖主盥悅出主詣酒尊所酌酒詣先師

再拜百官皆再拜揖主執事官跪進爵上獻爵出主又再拜百官皆再拜四配十哲兩廡分獻如常儀 十八年五月 上御

華蓋殿朱善進讀心箴 上謂侍臣朕夙興視朝日高始退至午復出迨暮乃罷日間所決事務恒默坐審思未有當者雖中

夜不寐籌慮得當然後就寢 十九年省躬錄成 命翰林儒臣編集歷代帝王祭祀祥異感應可為鑒戒者為書名曰存心

錄復命劉三吾類編漢唐以來災異之應於臣下者各省躬錄御製大誥三編成頒示天下 上親敘之被誅貪賊官吏一

切作奸犯科姓名具列誥中前後三編凡臣民務要家藏人誦以為鑒戒 二十三年詔刊韻會定正 時洪武正韻班行已

久 上以其字義音切未盡學士劉三吾言前太常博士孫吾與所編韻書本宋黃公紹古今韻會凡字切必祖三十六母韻

歸一賜名韻會定正 二十六年詔褒異浦江鄭氏浦江鄭氏自其祖綺教子孫勿異爨至濟傳十世食指至千餘人凡出納

人集卷二

雖絲毫咸有簿可覆子孫馴行孝謹家以田多推擇為糧長數
 以事入覲 上識之後被人妄訐其家與權臣通財其宗長鄭
 濂與從弟湜兩人爭先就吏上憐之曰我知鄭門無是也人誣
 之耳擢湜福建叅議 上問濂治家所以長久之道對曰守家
 法不聽嬖人言而已其里人王氏亦倣鄭氏家法拔二家子弟
 年三十以上赴闕令自推舉鄭氏舉濟以為左春坊左庶子王
 氏舉懃以為右春坊右庶子至二十九年選才閭右以浦江鄭
 沂為禮部尚書鄭幹為監察御史 建按國初多選用稅戶人
 財湖州富民嚴震直授叅議至尚書蘇州富民沈萬四孫曰珍
 戶員外 三十年命戶部令天下人民每鄉里各置一鐸一內
 選年老者每月六次持鐸徇于道路曰孝順父母尊敬長上

睦鄉里教訓子孫各安生理毋作非為又令民每村置一鼓凡

遇農種時月清晨聚眾鳴鼓皆會田所

建文御名名炆太祖孫太子標之子在位四年已卯建文元年周皇子文奎為太

子詔養老賜高年米絮帛有差命官贖民鬻子減田租 建按

帝皇考既謚懿文帝諱又曰允炆皇子復名文奎及改建文年

號燕王聞之胡重複至是使臣民遍呼年與諱同母乃不祥乎

且見其狀也

成祖術名棣太祖第四子馬太后所出初封燕王起潛邸繼承大統都燕改元永樂二十二年九月初開

內閣于東閣門內 命解縉胡靖楊榮楊士奇黃淮金幼孜胡

儼七人入居閣中專與機密 癸未永樂元年二月命監察御

史分詣各布布司巡視 八月命內臣齊喜提督廣東市舶內

臣提督市舶始此 二年文華寶鑑成 命侍臣集自古以來
嘉言善行有益於太子者爲書以授皇太子 上曰皇考訓戒
太子嘗集經傳格言爲書名儲君昭鑒錄此書稍充廣之 八
月解縉等進呈大學正心章講義 上覽之曰人君誠不可有
所好樂流而不返則欲必勝理若心能盡虛事來則應事去如
明鏡止水自然純是天理朕每朝退默坐未嘗不思管束此心
爲切要 五年十一月永樂大典成 上諭解縉等曰朕欲悉
采各書所載事物類聚之而統之以韻縉等輯成 上覽以爲
未備命重脩以姚廣孝劉季荒及縉總其事學士王景儒士陳
濟爲總裁凡二萬二千二百一十一卷 上親製序竟以太繁
不及刊布而廢 七年賜皇太子聖學心法書 上嘗采諸聖

賢格言切於脩身齊家治國平天下之要者爲書 九年命
部尚書宋禮等發山東丁夫開濬會通河 會通河故元運河
也元都于燕漕運江南糧有二道海運用朱清張瑄策由蘇州
太倉入海至直沽入京歲運至三百餘萬石然風濤不測又因
壽張尹韓仲暉言自東平州安山開河北至臨清二百五十里
引汶絕濟直屬御河 癸巳十一年正月辛巳朔日有食之詔
免賀及宴 禮書呂震曰日食與朝賀之時先後不相妨侍郎
儀智曰終是同日免賀爲當楊士奇曰日食天變之大者宋仁
宗時元旦日食富弼請罷宴徹樂呂夷簡不從弼曰萬一契丹
行之爲中國羞後有自契丹回者言虜是日罷宴仁宗深悔今
免賀爲當 十二年命儒臣纂脩五經四書性理大全 上諭

胡廣楊榮金幼孜曰五經四書皆聖賢精義要道傳注之外諸
儒議論有發明餘蘊者爾等采其切當之言增附于下其周程
張朱諸君子性理之言如太極通書正蒙西銘之類皆六經之
羽翼爾等亦類聚成書舉朝臣及在外教官有文學者同纂脩
開館東華門外 十四年楊士奇等奉命編輯歷代名臣奏議
成 上謂侍臣曰君能納善言臣能盡忠不隱天下未有不治
十七年頒爲善陰隲孝順事實二書于天下學校先是 上
命儒臣輯錄古今載籍所記爲善陰隲之事可以垂勸者得百
六十五人尋復輯古今孝順之事可以垂教者得二百七人親
爲論斷

仁宗

御名高熾成祖長子在儲位二十年即位改元洪熙一年

九月禮書呂震奏太宗皇

帝遺命喪服一如

太祖高皇帝

做漢制以日易月今已

踰二十七日請上釋衰服烏紗冠素服黑角帶臨朝羣臣皆從

君服 上曰梓宮在殯朕何忍遽易自是臨朝素帶麻衣麻經

朝退仍衰服 賜蹇義楊士奇楊榮金幼孜銀圖書各一 又

賜夏原吉銀圖書其文曰繩愆糾繆 上御西角門謂士奇等

曰卿三人及蹇義夏原吉皆先帝舊臣朕方倚以自輔凡朕所

行有未盡善皆當盡言遂取五人誥詞親灑宸翰增二語云勿

謂崇高而難入勿以有所從違而或怠 十二月書各都布按

三司官姓名于奉天門西序 上謂吏書蹇義兵書李慶曰庶

官資否軍民休戚之所係唐太宗書刺史之名於屏皇考亦書

中外官姓名於武英殿南廊今府部之臣朕朝夕接見得詢其

賢否若都布按朕既不能盡識其人又不悉其姓名雖或聞其賢否久則易忘爾 乙巳洪熙元年建弘文閣 上諭楊士奇

等曰卿等各有職務朕欲得學行端謹老儒數人備顧問士奇等以侍講王進蘇州儒士陳繼對建閣於思善門之左

宣宗御名瞻基仁宗長子改元宣德十年七月定會試分南北取士例 先仁

宗議南取六分北取四分 上嗣位分南北中卷以百名為率

南北各退五名為中卷北卷則北直山東河南山西陝西中卷

則四川廣西雲南貴州及鳳陽廬州二府徐滁和三州餘皆南

卷 丙午宣德元年御製外戚事鑒及歷代臣鑒二書成 八

月東南天鳴聲如萬鼓 二年正月以上元節勅賜百官假十

日俾各宴飲為樂 自是歲以為常建按宣德初許臣僚宴樂

歌妓滿前自顧佐為都御史奏黜貪淫禁用歌妓朝綱始振又

擢福建按察使邵玘為南右副都御史考察貪黜不肖御史二

十餘人與北院顧佐齊名憲臺為之一清左都劉觀下獄上問

楊榮年來貪濁之風曰永樂時方賓最甚今日之貪莫甚劉觀

五年以監察御史于謙為兵部右侍郎巡撫河南山西推陞

各部郎中員外郎及御史長史等官為各部侍郎分授巡撫地

方各省專設巡撫始此 十二月二十夜含譽星見于九符群

臣表賀 大如彈丸色黃白光耀有彗 八年冬詔合臨御以

來三科進士御文華殿親試之 拔其尤者鄭建等二十八人

與脩撰馬愉陳循林震曹鼐編脩林文夔錡鍾復趙恢評事張

益同進學文淵閣一循永樂甲申之製仍賜 御製詩云岩苑

益同進學文淵閣一循永樂甲申之製仍賜 御製詩云岩苑

崇文閣乃在城北隅登高一睇望羣飛切雲衢其上何所儲千載聖賢書其下何所為衣冠講唐虞國家久興學側佇登俊儒願此閣下人勉哉惜居諸又令內閣考選在外庶官有文學者六十餘人知縣孔友諒進士胡端禎廖莊宋璉教諭黃純徐惟超訓導婁升七人令改進士為庶吉士與知縣教官俱歷事六科以備用

英宗

御名祁鎮宣宗長子九歲即位正統十四年北狩立弟祁鈺為景泰七年北還復立改元天順八年共二十二年

丙辰正統元年五月始設提學憲臣 南北直隸各一員各

省按察副使或僉事各一員 詔免先聖賢子孫差役 二年

以宋儒胡安國蔡沈真德秀從祀孔子廟庭

八年又從楊士奇議以元儒吳澄

祀後謝鐸謂其仕元失節嘉靖中黜之

憲宗

御名見深英宗長子改元成化九年二十二年

乙酉成化元年二月行耕籍田

禮 田在山川壇之南 三年十二月始立十二團營京營之

制國初止有五軍營中軍左右掖及左右哨永樂初始以龍旗

下三千胡騎立三千營後征交趾得神鎗火箭之法立神機營

是為三大營居常則五軍以肄營陣三千以肄巡哨神機以肄

鎗手 駕親征則大營居中營外分駐五軍步卒居內騎卒居

外其外為神機營景泰初年選三大營精銳官軍分立十營

操凡馬步官軍一十五萬每營各以都督總領每五千用都指

揮一員每千又用指揮十員每五百名用指揮十員常令在營

操練兵將相識出征就令原管都督等統領前去至是分為十

二營曰奮武耀武練武顯武敢勇果勇效勇鼓勇立威伸威揚

威振威 七年定長運法 漕運舊例軍民各半民運淮安徐

州臨清德州水次四倉交收漕運官分派官軍于內轉運于通

州天津二倉侍郎周忱議將民運糧儲給補脚價免與運軍自

是轉運變為兌運至是右副都勝昭議罷瓜淮兌運令官徑赴

江南州縣水次交兌民加過江船費視地遠近兌運又變為長

運 命吏部侍郎葉盛往延綏議河套事宜 盛議方畧回奏

謂其地沙深水淺難以駐牧春運霜早不可耕種按河套復東

勝皆事勢所難惟增兵守險可為遠圖宜令守臣剗削邊墻增

築城堡收新軍以實邊選土兵以助守 十三年正月置西廠

命司設監太監汪直提督錦衣官校百餘人刺事商賅疏直

十罪寄耳目於韋瑛王瑛暮夜按檢家財不見有無駕轎乃罪

之

孝宗 衛名祐 檀憲宗長子 改元弘治 元十八年 戊申弘治元年詔議孔廟從祀禮

給事張九功言戴聖身陷賊吏劉向喜談神仙馬融為梁冀草

詔殺李固何休解春秋黜周王魯王弼何晏倡為清談王肅位

司馬昭墓魏杜預為吏不廉為將不義皆宜出祀顏子曾子子

思配享于殿而父在兩廡非所以明倫宜別立啓聖一祠祀叔

梁紇以顏無繇曾皙孔鯉及孟孫氏配享學士吳寬言從祀高

有益於經傳則馬融揚雄昔皆不廢侍郎倪岳亦言馬融王弼

之徒立身不無可貶然秦漢以來賴諸子抱遺經專門講授於

是從祀成仍舊云 禮部右侍郎丘濬進所著大學衍義補

八年少保太學士立濬卒年七十六贈太傅廖道南曰國家洪

武建文間則有若劉伯溫之閱大宋景濂之浩博王子克之醇
正方孝孺之爾雅永樂宣德間時則有若解大紳之雄放胡光
大之豪宕楊文貞之精密正統間時則有若李忠文之朴茂劉
文安之該核然皆藻麗豐腴未若立文莊之明體適用酌古準
今哀然為一代文宗也 九年追封楊時為將樂伯從祀孔子
廟庭 十年命內閣及翰林儒臣纂脩大明會典 勅徐溥脩
之以本朝官職制度為綱事物名數儀文等級為目類以頒降
羣書附以歷年事例 三月經筵罷召內閣徐溥劉健李東陽
謝遷至文華殿 上命取羣臣章奏付溥等看詳相與議定批
詞以次陳奏上或更改二三字或削去一二句批畢發出中有
西巡撫及禮部諸疏皆從容顧問擬議停當然後批答賜之

退李東陽燕對錄謂自天順來至今三十年間嘗召內閣不過
一二語是日經筵罷有此召因得以窺天質之明霽廟算之周
詳庶幾都俞吁咈之氣象云 十四年裁減光祿寺內臣供辦

光祿寺之設供奉內府御膳備辦使臣外夷宴享而已成弘
以來添有坐家長隨七八十員又有傳添湯飯內臣一百五十
餘員常貢不足乃責京師舖戶買辦劉大夏疏入下令裁減光
祿卿艾璞曰劉東山此奏歲省光祿錢銀八十餘萬

武宗

御名厚 孝宗長子 改元正德 九十六年

丙寅正德元年命太監劉瑾掌司

禮監事兼提督團營舊東宮內使馬永成谷大用劉瑾張永魏
彬羅祥丘聚張興與上卧起時號為八黨二年劉瑾傳勅譴責
奸黨奸臣王岳范亨徐智竊弄威福私與大學士劉健謝遷尚

書韓文楊守隨張敷華林瀚郎中李夢陽主事王守仁王綸孫
 樂黃昭檢討劉瑞給事中湯禮敬陳寔徐昂陶諧劉范艾洪呂
 翀任惠李光濬戴銑徐蕃牧相徐暹張良弼葛嵩趙士賢御史
 陳琳貢安甫史良佐曹閔王弘任諾李熙王蕃葛浩陸崑張鳴
 鳳蕭乾元姚學禮黃昭道蔣欽薄彥徽潘鏗王良臣趙祐何天
 衢徐鈺楊璋熊卓朱廷聲劉玉吏部責令致仕 十三年六月
 虜入寧夏塞 上復議北征乃自稱威武大將軍太師鎮國公
 朱壽命內閣草勅楊廷和稱疾不出召梁儲面促之 上大怒
 手劍立儲免冠解帶伏地泣曰以臣名君死不敢奉命更命廷
 和草之先是秦府三上疏請關中田為牧地宦官朱寧等請
 上許之楊廷和蔣冕皆引疾上震怒儲草制曰昔太祖皇帝著

令藩封不當益以土地土地既廣將多畜士馬姦人誘為不軌
 是時雖欲念保親親不可得已上駭曰若是可虞其勿與儲一
 草制間有回天之力

世宗 御名厚聰皇考興肅帝乃憲宗子分封湖廣安陸州今改
 承天府武宗賓天遵兄終弟及之訓入即大位改元嘉靖

九四十年 四月癸卯日中帝即位凡正德間冒濫軍匠傳陞乞

陸監織權稅盡行釐革直言貶戍諸臣存者擢用亡者贈蔭舊
 逋悉蠲中外鼓舞若更生云 支大綸曰正德丁卯歲

黃河清者三日慶雲見翌軫分而 上于八月十日生 時死

杖下者十一人員外陸震行人余廷瓚孟陽李紹賢劉平甫李
 翰臣詹軾主事劉校何遵評事林公黼照磨劉珏各贈官廕子
 削籍者陳九川陸震黃鞏夏良勝萬潮戍邊徐鰲擢用有加

秋七月張璪抗疏言時議欲考孝宗而叔興獻王者拘定陶濮
王陳迹耳漢哀宋英立爲皇嗣育之官中猶有父子之道今皇
上以倫序當立循繼統之義非爲孝宗後也稱興獻以皇叔鬼
神既不安矣稱聖母以叔母待不爲皇上臣乎謂皇上以繼統
而尊崇其親則可謂以繼嗣而自絕其親則不可今惟別立興
獻王廟隆以帝禮聖母亦以子貴尊與帝匹庶全父母之倫而
不失尊親之孝矣後三年桂萼張璪方獻夫會公侯等六十四
人上言三代之法父死子繼兄終弟及孝宗有武宗爲子不宜
更立皇上爲後人無二本孝宗伯也宜稱皇伯考昭聖伯母也
宜稱皇伯母獻皇帝主別立禰廟不入太廟尊尊親親兩不悖
矣 甲申嘉靖三年元日丙寅歲填次營室丙子五星盛聚

光祿少卿樂護言天下兵謀則五星聚營室故聚房周祚以昌
聚箕齊桓用霸漢興聚井宋盛聚奎天寶聚于尾箕而唐德弗
稱旋有祿山之禍 五年御書十二言曰法祖安民奉天行道
福善禍淫頒示輔臣 九年頒敬一箴於天下學校 五月分
祀天地建四郊 時中允廖道南議兆園丘於南郊以祀天兆
方丘於北郊以祀地兆大明於東郊兆夜明於西郊以法朝日
夕月之禮定太廟大禘之禮正太祖南向之位時蔡昂倫以訓
姚涑歐陽德皆主合祀汪鉉程文德等八十二人大學士張璪
等八十四人皆主分祀 冬十月改奉孔子爲先師易像爲主
十年無逸殿幽風亭成書周書無逸篇御製文記之 十五
年廖道南譟禮頌九章 言臣九年纂脩議禮成典自天地日

月神祇帝王社稷禘先師先農諸禮分類成書

穆宗御名載堅世宗太子改元隆慶九年

丁卯隆慶元年四月重錄永樂大典

典書成

...

...

...

...

...

...

...

...



